Observationes anatomico-medicae de sana et morbosa oesophagi structura / Jani Bleuland.

Contributors

Bleuland, Jan, 1756-1838.

Publication/Creation

Lugduni Batavorum : Apud Abrahamum et Janum Homkoop, 1785.

Persistent URL

https://wellcomecollection.org/works/txe5g7ts

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org



16069/8

D.14.48

First edition.

"Bleuland (1756-1838), was professor of anatomy at Harderwijk from 1791 and at Utrecht from 1795. He made a vast number of anatomical preparations" (De Lint). — The figures printed in colours — early and fine attempts of colour-printing — are very remarkable. — Very fine copy. Rare.


OBSERVATIONES

ANATOMICO-MEDICÆ

DE

SANA ET MORBOSA OESOPHAGI

STRUCTURA.



JANI BLEULAND

MEDICINE DOCTORIS

OBSERVATIONES

ANATOMICO-MEDICÆ

en a liegen a announce of the little of the

SANA ET MORBOSA OESOPHAGI

STRUCTURA.

CUM FIGURIS.

Ex libris for Committee fally

LUGDUNI BATAVORUM,
Apud ABRAHAMUM ET JANUM HONKOOP.
MDCCLXXXV.

Manteina Doctoris

approprie

Anatome carere posse neminem, qui hominum sanitatem tueri vult, atque juvare, res est adeo evidens atque explorata, ut de ea addubitare turpissimum videatur. Quamvis vero vix non omnes concedant, tirones qui arti discendæ nomina dederunt, demortuorum corpora incidere debere visceraque scrutari, plures tamen iis convitiantur, qui anatomiæ paulo exquisitius student, & solerti ac subtili sectione, variaque encheiresi, ut corporis compagem investigent, annituntur. Nemini autem ignotum est, admirabilem humani corporis fabricam, summamque ejus perfectionem ex minimis constare, omnem sæpe sensuum aciem sugientibus; quare si in anatomicis exercitationibus ea demum oculis exponuntur, quæ obvia sunt, & cuivis in sensus incurrunt, neglectis aliis, quæ, quod recondita sunt, majori solertia erui & in lucem exponi debent, rudis manet scientia manca, quæ nec tironem satis instruere nec artem salutis humanæ præsidem ad majorem certitudinem, nobilitatemque perducere potest.

PLATNER.



MI AREAUAUM ET JANUM HONKOOP.

PRÆFATIO.

Nuper de Arteriolis Lymphaticis agens, promisi laboris mei in hac materia assiduitatem; cum autem opportunus præcedenti hyeme desuerit locus ad operis tam subtilis tractationem, mecum statuebam, quasdam colligere observationes anatomicas, subtiliorem pariter partium quarumdam sabricam exhibentes, iisque contemplationem status morbosi ejusdem partis, cujus sanam sabricam explicaveram, subnectere, atque tandem observationes addere anatomico-pathologicas, quibus constet, quænam sit, sanam inter atque morbosam partem differentia, ne omni utilitate practica carere dicantur nostra anatomica scrutinia.

Licet autem observationes anatomicæ, quas primus hicce fasciculus continet, novæ non sint, & de eodem morbo antea, quando Musis Leidensibus valedixi, egerim, attamen, quantum scio, a nemine tali modo siguris illustrata est, æque integrarum ac

læ-

læfarum partium fabrica, quali eandem postea investigavi, quamque nunc in lucem emitto, ut putaverim hac demum ratione transitum a sanissima fabrica ad lethalem degenerationem cognosci posse, ac mereri hunc perniciofum morbum, qui denuo plenius examinetur, & observationibus, quæ sese mihi obtulerunt, illustretur.

Itaque oefophagi fani structuram, morbosi degenerationem, morbi symptomata, causas, curationem, examinare hoc fasciculo scopus est, qui si non plane displiceat, & aliarum partium fabricam, earundemque morbos, simili modo investigatos, in sequentibus describam, qualium observationum numerus non exiguus ad manus eft.

Lieux matte contrattiones anaromica, quat pre-

mile blove therically common approximation was

velocità a per la compania de la compania del compania de la compania de la compania del compania de la compania del la compania de la compan



quam transire deglutita debent, ut in ventriculum perveniant, oriri morbos, qui vel difficilem reddant hunc transitum, vel plane intercipiant, adeoque vel molestam & morbosam vitam secum trahant, vel inevitabilem post dirissima symptomata & summam corporis emaciationem mortem producant.

Sæpius animum meum percussit dirus ille morbus, qui dusphagiæ seu dissicilis aut impeditæ alimentorum depulsionis nomine
Medicis innotuit, qui frequentius & hodie, quam olim, perhibetur exstare: Mihi quidem dum in Academia batava versabar, varia ejus exempla videre contigit, & ita attentionem ad se
traxit, ut pro specimine academico, hujus morbi examen instituerim; præsertim cum inter plures, quos benevolus semper
erga me tractandos concedebat, ægrotos, celeberrimus, jam præmaturo sato ereptus, van Doeveren, quædam sæmina erat Leidensis, quæ diro hoc morbo, atrocissimis stipato symptomatibus
laborabat, ex quo casu morbi progressum atque decursum non
tantum notare potui, sed etiam illustrare siguris ad naturam
partium, uti sese post mortem habebant, paratis, ex quibus
causa & indoles mali, (quas detegendi tam rara opportunitas)
pulcre apparuerunt.

Addidi etiam tunc temporis figuram glandulæ præter modum tumentis & induratæ, quam in cadavere infantis quinque circiter annorum afperæ arteriæ atque oefophago adjacentem, occupatus exercitiis anatomicis, fortuna ita volente, detexeram, unde

unde intelligi potest, & ex aliis additis vel addendis nune obfervationibus, mali fedem esse aliquando in ipsa partis fabrica, aliquando & extra oefophagum.

Postea mihi licuit etiam investigare vitium oesophagi ipsius, in cadavere virginis cujusdam, quæ Goudæ degens, cum fub finem anni 1779. dysphagia inciperet laborare, usu succi inspisfati cicutæ veræ tantum levaminis acceperat, & tam diu fymptomatum filentium experta fuerat, ut spes fanationis affulgeret; postea vero sui negligens malo paulatim ingravescente exstincta eft.

Et quum intimam membranarum oefophagi texturam, ex qua dispositio ad modo dictos morbos deduci potest, accuratius examinare potui, hunc ordinem fervandum esse censui, ut primo Capite accuratiorem præmittam membranarum oefophagum constituentium descriptionem, figuris illustratam.

Secundo brevi tabella morbi initium decurfum ac finem narrem.

Tertio examinem illas causas, que partem sanam in hoc illudve vitium proclivem reddant, vel occasionaliter agentes directe, vel per sua effecta oesophagi actionem quovis modo lædentes, depulsionem ciborum difficilem reddere vel penitus impedire possint.

Quarto ex his præsentibus vel prægressis atque concomitantibus fymptomatibus in indolis morbi cognitionem inquiram.

Quinto regulas prognosticas ex malignitate vel benignitate harum omnium vel ominosas vel faustas eliciam.

Sexto subjungam varias curandi methodos, varietati cause constituentis accommodatas, que in tristi hoc morbo a Medicis proh dolor! plurimum minus felici successu adhibitæ suerunt. Quibus

Tandem Septimo supperaddam illas Historias anatómico pathologicas, hujus morbi malignitatem confirmantes, quarum mentionem supra jam fecimus.

removed and by it has nation and the short hereinership

ron Saffat Agent members and relative and the land to the last the

The beautions of the commission of the beautiful of the District of

CAPUT PRIMUM.

EXHIBENS DESCRIPTIONEM OESOPHAGI NATURALITER
CONSTITUTI ET FIGURAS VARIARUM EJUS
MEMBRANARUM, UTI OCULO ARMATO
INSPECTÆ, APPARENT.

S. I.

Oesophagus est canalis cylindriformis membranaceo-musculosus, e pharynge, infra & pone cartilaginem cricoideam, uti
ex infundibulo exortus, inde recta deorsum (a) inter asperæ arteriæ partem mollem sive membranaceam atque corpora vertebrarum descendens ad quintam usque dorsalium, ubi reclinatur
parumper versus dextrum latus & ita liberum spatium magnæ
arteriæ aortæ concedit, hacque directione descendit ad nonam
vertebram, & hic medium spinæ dorsi iterum occupans, perforat diaphragma & superiori ventriculi orisicio sive sinistro,
quod cardia vocatur, sese inserit.

In brutis nonnullis reclinatio versus dextram partem, jam ad quartam dorsi vertebram locum habet, ejusque insertio ad duodecimam, uti GALENUS in Anatomia vivorum notavit.

Non-

⁽a) Vid. VESAL: de Corp. Hi. fabrica L. 5. Cap. 3.

Nonnulli oefophagum femper ab initio jam ad dextram afperæ arteriæ partem, non infra & pone illam fitum effe putant (a): Ipfe equidem animadverti in cadaveribus hoc ita videri, & prominere dextram oefophagi partem paulo extra afperam arteriam, fed inde non patet in vivo & erecto homine hoc ita fefe habere; a relaxatione enim partium, a fitu cadaveris, a compressione incumbentis fua mole asperæ arteriæ & pulmonum in illam partem, quæ dextrorfum vergere dicitur, tam parva mutatio apparens facile produci potest.

Quare potius credimus fitum oesophagi in vivo & erecto homine eum esse, qui respondeat illi parti asperæ arteriæ, quæ mollis est, ut cedat facile, si bolus per oesophagum transeat, & hæc certe posterior est, ideoque oesophagum pone asperam arteriam positum esse tuto dicere poterimus.

In brutis prono corpore viventibus aliter & in variis eorum diversimode locatus est, quum vero varia in diversis animantibus positio non adeo quam ejus fabrica in homine ad nostrum scopum pertineat, ad alios auctores (b), naturalis historiæ cultores hic remitto, atque transeo ad partis ipsius fabricam. The market and see planting statement balance at

La pienela capalla etemperational produce in S. II.

-(a) Vid. MORGAGNE Epist, anatom. Undecima §. 48 & 49.

⁽b) Vid, HALLER Elem. Phisiol. T. 6. Sect. 4te pag. 95 & 96. & MORGAGNE Epist. anat. Med. Undecima.

SANAOESOPHAGI. 13

Quum maximi in hoc opusculo momenti sit proclivitatem in varias morbosas affectiones ex ipsa partium sabrica illustrare, atque cause iis ansam præbentes, ut plurimum in interiore canalis superficie locum habeant, ab interioribus etiam in anatomica nostra descriptione tunicis, quæ quidem oesophagum constituunt initium ducemus, magni воекначи exemplum secuti (a).

Descriptio autem nostra imitatur exemplar præparati oesophagi, ex cadavere infantis recens nati, desumti, qui materie ceraceâ invasa injectà vivi speciem præ se serebat, non vero turguit rubore præternaturali, quo aliquando lætantur anatomici, quum tamen non semper inde clarior siat cognitio, quomodo sese partes in vivo homine habeant, & certe minus dissicile est aliquot vascula ad rupturam usque liquore colorato extendere, quam modum, quo ipsa humores ducant, imitari.

Dicet forte quis, quod fubtiles adeo partes potius ex hominis adulti præparatis monstrari deberent, quia fabrica tunc magis evoluta facilius & distinctius in illis conspici posset; hoc autem de aliis partibus verius, quam de oesophago inferri posse credo, in recens nato enim partes quidem exiliores adeoque conspectu

non

⁽a) Vid. Inftit: Med. §. 73. & feqq.

non minus quam tractatu difficiliores funt, sed minimum a naturali statu aberrantes, quod nunquam de oesophago adulti, uti parte tot injuriis exposita dicere possemus; præterea occupationes practicæ me sæpius avocant, quando solus me in arte dissecandi exerceo; adeoque maxima pars cadaveris adulti corruptioni traderetur, & quæ aliquod tempus requirunt ut absolvantur præparationes, minus seliciter ad sinem perducerentur.

Cum ergo inter omnia oefophagi præparata, quæ possideo, nullum sit, quod tam accurate speciem & colorem sani & viventis imitatur, hunc infantis recens nati oesophagum pro membranarum examine oculis subjeci; adjectæ siguræ monstrant, quomodo sese habeant singulæ.

Per longitudinem dissecto canale interior superficies primo oculis apparet, in qua considerandæ præcipue notabiles illæ plicæ (a), quæ per longitudinem decurrentes haud dubie siunt ex telà cellulosa laxiore, quæ sese inter omnes tunicas inserens illas inter se connectit, adjuta ope vasculorum atque nervorum ab una tunica ad aliam transeuntium.

Harum plicarum ut opinor magna est utilitas; nam præterquam quod multo amplius spatium concedunt innumeris arteriolis ac glandulis aut cryptis muciparis (b), efficiunt etiam,

111



Adeoque & locus his organis secretoriis aptus requirebatur, qui ipsis hospitium præberet, & hæc facilem inveniunt sedem in laxa cellulosa, a qua hæ plicæ producuntur, ubi si glabra esset interior superficies, magisque compacta cellulosa, non tam copiosæ aut tam liberæ esse possent hæ glandulæ aut cryptæ in sua actione & mucus debitus desiceret, requirebantur ergo & in intestino recto tales plicæ; imo majores in illo sunt, quam in oesophago, & valvularum longitudinalium nomen revera merentur.

SANA OESOPHAGI. 17

cuts at the inches many (.) III.

Obducitur oefophagi superficies interior eadem membrana tenui, qua os, labia, & curis externa obteguntur, pro parte cam reliquimus in superiore præparati parte (a), pro parte detracta est in inferiore (b), excolor est hac membrana, speciem tamen villorum, fi in aqua fluctuat, exhibere videtur, hi vero villi proprie producuntur per arteriolas exhalantes, que huic tunicæ fubjacent & apicibus fuis tuberculatim quafi membranulam hanc elevant; quod æque respectu nervulorum atque arteriolarum patere potest: separata enim intima hac tunica videmus eam vasculis sanguiferis carere (c), & arteriolas ultimas prominere minimis suis apicibus (d) sub ea, sic etiam nervulis omnino caret & ab iis etiam separata ostenditur non tantum (e), sed experimenta WEPFERI (f), BOERHAVII (g), HALLERI (h), NICHOLSII aliorumque oftenderunt infenfilitatem hujus membranulæ intimæ: Idem locum habet in ore, in ventriculo &c. Sed hæc intima oefophagi tunica craffitie Camilorities maffers content to political de coma-

(1) L C. p. rat.

O'LLEBOUREN BEI (*)

⁽a) Tab. 1. (b) Tab. 1. imnog amins alli ni ipp

⁽c) Tab. 1.

⁽d) Tab. 1. 8 3.

⁽e) Tab. 1. & 3.

⁽f) Vid. WEPFERI de cicuta aquatica.

⁽g) BOERHAVII instit. Physiol.

⁽h) HALLER Elem. Physiol. Sect. 4.

majore gaudet juxta Wepferum (a) quam eadem hæc in aliis partibus.

In Prima Tabula oculis conspici possunt ea, quæ de fabrica hujus tunicæ diximus, sed secunda tabula monstrat, quomodo non a subjectis separata & accuratius conspicillo inspecta hæc pars sese habeat: nimirum in hac sigura apparet, quomodo innumeris foraminulis majoribus & minoribus sit pertusa, quæ minores sine dubio sunt poruli, per quos arteriolæ exhalantes rorem suum essundunt; dum majores sunt oscula ductulorum, quæ ex glandulis aut cryptis muciparis succum mucoso-glutino-sum excernunt.

Duplieis ergo ad minimum usus est fabrica hujus tunicæ.

1° Majore sua crassitie quam in ventriculo (b) obtegit nervulos eorumque sensilitatem ita minuit, ut quæ desiciente illâ, in transitu per oesophagum maximos crearent dolores, nune absque ulla molestia transeant & ad ventriculum descendant; quam sensilis est cutis externa, si in aliqua parte epidermis desiciat; quam molesta a blandissimis etiam in faucibus & ore interno est sensate post decidentem crustam aphthosam?

2º Non obstante structura hae tenaciore poruli tamen, qui in illa adsunt, permittunt, ut arteriæ exhalantes lympidum

10-

⁽a) L. C. p. 121.

⁽b) Vid. WEPFERI L. C.

rorem atque ductuli excretorii glutinosum succum in canalis cavitatem essundere queant, adeoque summa utilitas, quam præsentem hanc tunicam præstare videmus, vix permittit, ut credamus, illam aliquando absque vitæ aut sanitatis notabili detrimento læsam suisse, quod tamen side digni viri (a) testantur; nos saltem credimus, si fors abraditur aliove modo læditur, summam requiri cautelam in assumendis potulentis, ne pessimi generis mala post se relinquant tales læsiones, quas in posterum videbimus morbo describendo præcipue ansam præbere.

Dantur observationes (b), quæ docent hanc tunicam in morbis vel pro parte vel ex toto nonnunquam rejici, quod fieri posse analogia docet, an autem ex morbosà tali rejectà parte ejus indoles tam facile distingui possit, non credo, saltem equidem ipse servo membranam tenaciorem oesophago longitudine & forma similem a vetulà ore rejectam, ad quam in agone mortis versantem, ab amicis vermem rejectum putantibus, prima tunc vocabar vice; narrabant adstantes ægrotam per aliquot dies diarrhæa laborasse, alvo interdum sanguine tincta, pulsus jam erat debilissimus, irregularis, intermittens; manus & pedes frigebant, facies hippocratica & cito animam efslavit, humoribus certe putrida acrimonia solutis; hæc mem-

bra-

⁽a) HALLER in L. C. p. 99.

⁽b) Memoir. de l'Academie.

brana, dum rejiciebatur, fanguine & muco corruptis fquallebat, per biduum eam in aquam inmersi, ut sordes deponeret, quas tamen omnes tam nitide abluere non potui, ut membranæ indoles fatis diftincte cognofceretur, confiftebat quidem adhuedum, sed præsirma fordium adhæsione eam satis diu in aqua relinquere non audebam, verens ne omnia fimul in putredinem abirent, adeoque in spiritum illam immisi, in quo adhucdum servatur: Utrum autem revera fit tunica ipsa intima oesophagi, an tubus ex tenaciore muco cohærens, quales ex aspera arteria ejectos bronchiorum ramificationibus fervatis vidi, non aufim pro certo determinare. On old wellow shirty our bay allower

gente che dadoles cam facil Lia. Lat youle, hon credo, fal-

fori redic unalogia docet, an surem ex morioni till rejecta

Separata jam hac intima tunica ad partium huic subjectarum explicationem transeundum est.

Partem igitur ejusdem oesophagi, ex quâ detracta intima membranula est, si inspiciamus in prima tabula, apparent jam innumera punctula (a) rubra atque alba, quæ speciem villorum etiam exhibuerunt; dum intima membranula tegebantur, & quo plus materie ceracea arteriolæ hæ turgent, eo plus mola

.efre Baster as at e 11 con

⁽a) Tab. 1.

SANAOESOPHAGI. 21

villorum increscit, si autem non nimis expansa vascula sint, apparent, uti in figuris monstrantur.

Hi villi funt prominentiolæ quædam parvæ pro maxima parte rubræ (a), quæ arteriolarum fines hac in parte funt; partim albæ (b), (magis collapfæ, utpote quæ materia colorata expandi non possunt) que tunicam sic dictam nerveam confituunt. , sinificate of the comman support and of Committees on

Harum Arteriolarum initium est ab arteriis oesophageis, quæ stricto sensu nempe sie dicuntur, nam præter eas etiam ex omnibus pectoris partibus quidam ramuli ad oesophagum decurrent, uti in pulcerrimis HALLERI fasciculis Iconum arteriarum', nempe secundo, tertio, atque octavo inprimis videre est, & fic numerus arteriarum oesophagearum est infinitus, quæ autem proprie ita dicuntur duæ funt; una est superior, quæ ex fuperiore arteriarum intercostalium oritur, exiliores ramulos dat exteriori fuperficiei oefophagi, atque tunicæ musculari & cellulofæ intermediæ, proditque ulterius ad tunicam vascularem (c), ex qua fubtiliores ramuli ad glandulas cryptasve muciparas (d) mittit & tandem hac ratione innumeræ arteriæ five fiftulæ exhalantes (e) finem inveniunt.

Hæ

(c) Will wanteen Defect a convey Thomas

⁽c) Tab. 5.

⁽e) Tab. 3.

Hæ partem tenuissimam sive rorem in cavum oesophagi exhalant, quo in statu naturali semper madet.

Quam naturæ operationem imitatur in mortuis injectio aquæ aut adipis in arteriam oefophageam (a), inofculantur etiam partim venulis minimis, quæ reducunt supersluum a secretione sanguinem in venam sine pari, suadet etiam sabricæ similitudo, ut credamus, in hac quoque parte, uti in intestinis, minimas arteriolas in arterias lymphaticas abire (b). Alter arteriæ oesophageæ truncus est, qui inferior nominatur, a diaphragmatica oritur, similem ac superior habet distributionem ramulorum atque sinem, & redux sanguis in stomachicam coronariam venam reducitur.

cup conomi florego San S. V. wantab all simon make

to the manufact according to the court of the infinite of the

Nervorum, qui copiosissime per oesophagi tunicas distribuuntur, origo quidem ab octavo pari & laryngeo recurrente horumque ramissicationem per exteriorem tunicam cellulosam satis facile cultro anatomico possumus investigare atque contemplari (c), quomodo autem ulterius per tenuiores tunicas

ra-

⁽a) KAUW BOERHAVE pag. 86. perspirat. &c.

⁽b) Vid. quæ de hac materia dixi anno præced. in Experim. Anatom. de Arter. lymphat. exfiftentia.

⁽c) Vid. WALTHER Descript. nervor. Thoracis & abdominis.

SANAOESOPHAGI. 23

ramuli tenuissimi dispergantur & tandem nerveum subtilissimum reticulum conficiant, haud ita clare adhucdum exponi potest.

Certum autem est, magnum nervorum numerum ad oesophagum decurrere, qui in fingulis tunicis suos præstant usus, nimirum in musculari fibras ad contractionem pro detrudendo bolo invitant: quin imo magis irritati violenter eas convellunt, quod non tantum videmus, fi acre quid aut pungens in ipfo oesophago hæret, sed etiam si partes multum remotæ per confensum illum præ aliis partibus afficiunt; & ipsa animi pathemata vel in sano statu vel in morbis tales effectus sæpissime in hanc partem edunt, ut sensilitate nimia peccare quandoque observetur (a): comitantur, uti in aliis partibus etiam vafa in tunica vafculari, & a vero non alienum videtur, ad cryptas muciparas etiam exiliores ramulos dari, qui in earum folliculis membranosis contractiones producant, quibus secretio & excretio succi spissiusculi promoveatur: Sensilitas etiam nerveæ talis est, ut si quid nauseosum aut pungens imo leviter titillans pharyngem modo tangat, muscularis inde in varias imo retrogradas contractiones invitetur.

S. VI.

⁽a) Vid. BENJ. COOCK Cafes and practical remarks in furgery Tom. II. p. 108.

moduli manus materis. VI.

Figuræ primæ & fecundæ delineationes exhibent, quomodo tunica intima atque nervea fefe habeant in particula minima oefophagi in liquore fluctuante, in qua glandularum præfentiam non fatis obfervabam, ut juxta eamdem de his agere possem, proximam autem, pro harum demonstratione in qua numerus major aderat, ex aqua exemi & per semi horam sibi reliqui, ut leviter sicca sieret, pro glandulosæ structuræ hujus membranæ demonstratione.

Vix eam a modo descripta distinctam tunicam nominare ausim, adeo enim inter se hæc cum nervea cohæret, ut separationem non admittant & eamdem fere constituere videantur, unde de glandulis hisce dicit kauw boerhave (a), insixæ sunt basi sua, quantum separatione videre potui, nerveæ tunicæ, uti cutaneæ cuti, velata intima, quæ villos facit, quam osculis suis patulis perforant. Jam uti, simulac ex alia parte arteriolas minimas aquæ vel spiritui immissas sluctuantes sibi relinquimus, sese non sustinent, sed siguram suam mutant, collabendo aut cohærendo inter se invicem, sic in his etiam subtilissimi apices (b) exhalantium sese retraxerunt.

Si-

⁽a) L. C. S. 254.

⁽b) Tab. 4.

SANAOESOPHAGI. 25

fimul ac aqua non fustinerentur, & paululum siccæ sierent: apparet autem fimul, quod & in aliud genus vasculorum tranfeant, in venulas nempe minimas, quæ distinctius apparuissent, fi diversimode coloratam materiem in vasa hujus oesophagi immittere potuissem, quod in hac præparatione fieri non potuit, venulas tamen adesse, in quas redeant arteriolæ, nemo inficias ibit (a). Conspiciuntur & hic punctula multa albicantia, quæ præcedenti paragrapho jam descripsimus, atque demonstravimus esse apices nervulorum, levissima tela cellulosa cum arteriolis minimis connexos: quæ autem præcipue in hac membrana notanda funt, funt Corpufcula bene multa glandulofa, a quibus tunica hæc nominatur, in particula fexagefimam quartam partem objecti magnitudine æquante jam magna eorum copia conspicitur (b), major eorum numerus est in oesophago quam in intestinis, minus a se invicem distant, & magnitudine admodum diversa sunt, licet fabrica in omnibus eadem, nimirum, quævis glandula conftat ex corpufculis rotundis minoribus in infinitum decrescentibus, hæc corpuscula autem iterum ex variis partibus composita esse videntur, sunt enim parvi folliculi, ad quos arteriolæ minimæ perveniunt & lympham fanguinis colant, tenuior hujus pars abforbetur iterum per exiliora

re-

⁽a) Vid. HALLERUM Elem. Physiol. T. VI. p. 103 & 104. Sed. 4.

⁽b) Tab. 4.

reforbentia lymphatica, dum fpissior remanet, quæ ex hisce folliculis per ductulos excretorios in cavitatem oesophagi ad lubricandam intimam membranam (a) essunditur.

nem beit section S. v I I. L. Lang. meller of avanting

Quæ nunc fequitur proprie vocatur vafcularis tunica (b), quæ cum modo deferipta (c) per telam cellulofam cohæret & revera aliam tunicam constituit, modica enim attentione & dexteritate sui separationem admittit, nullam enim aliam connexionem cum glandulari habet, quam per vascula minima oculo inermi serme non conspicua, & tenuissimam cellulosam.

Arteriolarum ramificatio ex inspecta tabula 5th cognosci facile potest, quare multa de hac dicere non opus est, tortuosos (d) multos dat ramos, alio plane modo ac in ventriculi & intestinorum tenuium vasculari tunica, multas etiam tamen inter se anastomoses faciunt.

Si omnes corporis humani diversas partes, præcipue autem membranas inter se invicem comparemus, arteriis cera repletiis, videbimus, uti arborum omnium diversimodæ sunt ramificationes, (licet tamen quævis species generis sui ramorum dis-

⁽a) Tab. 1, & Tab. 2.

⁽c) Tab. 4. & §. 6.

⁽b) Tab. 5.

⁽d) Tab. 5.

SANA OESOPHAGI. 27

dispersionem servet) uti vasculorum per folia, flores, fructus, &c. diversi decursiis, sic etiam in homine locum habere: Omnium arteriarum quamvis omnium unus communis truncus fit, in diversa parte plane alia est ramulorum divisio, uti jam in dissert de arteriolis Lymphaticis breviter notavi; in inferiore parte intestini recti vasorum ramificatio in vasculari tunica etiam multo tortuosior est, quam in cæteris intestinis, & quodammodo cum illis oesophagi hæc vafeula conveniunt, crassiora autem multo sunt, uti totum intestinum majus habet volumen quam oesophagus: Inter has ergo partes respectu fabricæ magna est analogia, quainvis usus earum primo intuitu plane contrarius sit, ad utrumque tamen ferme eadem fabrica requiri videtur; transmittere enim modo, non nimis diu retinere, quod receperunt, debent, hoc non facile peragi posset, nisi via continuo esset lubrica liquido non facile deradendo, requirebantur ergo glandulæ tale liquidum fecernentes, que in plicis longitudinalibus locate, ab arteriis tortuofis lentius sanguinem moventibus satiarentur; requirebatur in utrifque dispositio ad se facile dilatandum, que per cellulosam copiosiorem, qua omnes inter se connectuntur tunicæ, producitur; requirebatur tandem in utrifque vis musculosa contractilis major, quam in cæteris intestinis, ad se exonerandum, de qua breviter nunc agendum restat in descriptione oesophagi sani fabricæ. C. VIII.

S. VIII.

Quæ muscularis dicitur, tunicam constituunt duæ laminæ carneæ, inter quas cellulosa tenuis, multis vasculis subtilissimis instructa sese inserit: Harum una ex arcuatis, altera ex longitudinalibus sibris muscularibus constat; interiores arcuatæ, a cartilagine cricoidea exortæ, cingunt vascularem tunicam, uti longitudinales externam oesophagi superficiem essiciunt, oriuntur ex eadem cartilagine, obliquum primo servant decursum, deinde recta deorsum decurrunt (a), usque ad cardiam & sic porro in ventriculum desinunt.

Arcuatæ hæ fibræ fese contrahendo tubi capacitatem in illo loco, ubi bolus hæret, imminuunt, longitudinales sua contractione totum tubum breviorem reddunt, sieque infra bolum etiam dilatant, atque hac ratione facillime, quod in oesophagi parte superiore hærebat, si vigeat vis muscularis; si bolus non tam magnus sit, ut sua mole hanc destruat, sibra extra tonum extendendo; si nullum morbosum obstaculum sive organicum sive spasmodicum illud impediat, facile deprimitur.

Robustiores quoque hæ sibræ sunt, quam in ventriculo & intestinis, excepto iterum recto, in cujus fabrica musculari

ea-

⁽a) Vid. Morg: Epist. 11. & Morgenbresser de Vomitu pag. 7. & seqq. uti & Cl. Batigne Traci. de digestione &c. pag. 42.

SANA OESOPHAGI. 29

eadem servata est proportio, quam in vasculari atque glandulosa notavimus tunicis.

S. IX.

Involvuntur omnes hæ defcriptæ oefophagum constituentes tunicæ externa membrana, ex compacta & tenaciore cellulosa constante, cujus ope connectitur cum corporibus vertebrarum, cum aspera arteria, cum aorta aliisque partibus juxta se positis, & quæ in hac proprie locata sunt, uti cum ductu thoracido vasis lymphaticis quam plurimis, cum glandulis dorsalibus, majoribus & minoribus lymphaticis, quæ ex subtilissimis vasculis tortuose admodum inter se junctis constant, adeoque accedentibus causis occasionalibus, obstructionibus, & indurationibus sepius obnoxiæ sunt; uti in posterum videndi erit occasio.

FI-

FIGURARUM EXPLICATIO.

TAB. I. Repræsentat oesophagum infantis recens nati, materie ceraceâ rubrâ in vafa injectâ, vivi speciem referens.

> aaaa Superior ejus pars tunica intima adhuc tecta, in qua conspiciuntur plicæ longitudinales atque villi & nonnullæ glandulæ protuberantes.

> bbbb Pars inferior, detracta intima tunica, in qua villi

magis confpicui.

cc Intimæ tunicæ excoloris interior superficies, in qua vestigia arteriolarum exhalantium, uti totidem foraminula conspiciuntur.

Arteriola oefophagea.

TAB. II. Repræsentat portiunculam minimam oculo armato innumera foraminula arteriarum exhalantium exhibens, & glandulæ muciparæ aperturam excretoriam, on on uti & nonnullas minores ejufdem generis.

TAB. III. Ejusdem particulæ, detracta intima tunica, natura ex hac figura ulterius apparet, rubri villi arteriolarum fines funt, dum albus color nerveam teneram & quodammodo collapfam fignificat, dum inter hæc prominet ejusdem glandulæ ductulus excretorius, exteriore fua margine privatus.

TAB. IV. Tunicam glandulosam monstrat, in qua exsistentia glandularum macipararum, ex innumeris minori-

bus rotundis compositarum.

TAB. V. Tunicam Vascularem ejusque ramificationem exhibet. Muscularis ab aliis delineatæ figuram adjungere non opus erat.

CAPUT

CAPUT SECUNDUM.

GENERALIS DESCRIPTIO DYSPHAGIA.

S. I.

Impedita alimentorum per oesophagum depulsio est morbus plerumque fallax, in initio levis & vix morbi nomen mereri visus; in progressu vero, quoad essecta sese clarius manisestans, quoad causa proxima indolem vero, sere semper Medico dubium relinquens.

Est quasi hostis, qui per insidias atque latebras subdole irrepens, suas copias tacite & paulatim adauget, donec tantas acquisiverit vires, ut quibusvis auxiliis, sero nimis allatis, pertinaciter resistat, ac tandem obsessive provinciae plenariam inducat ruinam. Antequam enim ulla adsit mali perceptio, sape
causa formalis jam adest, hac autem evoluta, agri imminentis
periculi dubia incipiunt sentire signa, ita tamen, ut nondum
videant necessitatem ab Arte auxilium petendi; sensim tamen
sensimque, cum increscente morbosa conditione incommodi incrementum percipiunt, donec cogantur urgentibus symptomatibus ad Medicum confugere, a quo tune frustra sape auxilium
implorant.

32 GENERALIS DESCRIPTIO

Fixa jam adest mali sedes, manifestum est obstaculum, quoufque admittuntur fatis facile alimenta, ultra quod autem vel neutiquam, vel vix nisi cum adhibita vi & magnis moliminibus protruduntur! Quandoque juvat prona corporis inclinatio per aliquod tempus; quandoque ope tubi (a) in oefophagum immissi ingerenda assumuntur, vel instrumento (b) huic operi adaptato propelluntur vel liquida possunt injici per siryngam, quam methodum Cl. de BEAUVE descripsit & cujus fabricam figuris illustravit (c); alias prudenter & tarde deglutiendo malum diu absque magna molestia ferunt; alii, qualem novi Foeminam Lugduni Batavorum, quae jam ultra triginta quatuor annos coacta fuit folidos cibos in minima fecare frustula & subtilissime masticare, ac parvis simul dosibus deglutire, ne cum anxietatibus magnis rejiciantur, fana tamén hac fub diæta & hilaris vivit: dantur etiam, qui fola fluidorum affumtione, difficulter quidem, tamen diu vitam protrahant, fic ut in hisce malum vitæ destinatum tempus nequaquam videatur minuere.

S. II.

⁽a) Vid. Cl. v. GEUNS Act. Harlem. L. c. p. 119 & 120.

⁽b) Vid. PHIL. SALMUTH. Obf. Med. Chir. Centur. 3. Obf. 16. p. 119. ubi post febrim diuturnam oesophagi torpor remansit, ita ut ope digiti vel bacilli cibos propellere coactus esset weger: vid. etiam st. v. d. wiel Obs. rar. T. 2. Obs. 27.

⁽c) Vid. Journal de Medicine T. 31. p. 431.

S. I I.

Sæpissime tamen malum ita increscit, ut hæc omnia nihil juvent, sed plenaria capacitatis fiat abolitio, tunc oriuntur infignes anxietates ad quævis deglutiendi conamina, & frequenter cum murmure gargarizantis ingerenda multo commixta muco rejiciuntur. Hæc fymptomata in nonnullis definunt pro tempore, donec fame incitati iterum cibos affumere tentent, quando eadem renovatur tragoedia: in aliis etiam perdurant fymptomata, quamvis ab actione tubus quiefcat: patiuntur ægri anxietates intolerabiles; vexantur flatibus dolorificis, torquentur ingenti fame, & defatigantur incredibilis quandoque copiæ muci, nunc tenacioris nunc tenuioris, exfcreatione, emaciatur corpus ad speciem sceleti usque, ita, ut præter osfeam cratem cutimque parum remanere videatur; debilitatur quam maxime totum corpus; humores non reparantur a chylo, & vitæ actione acrimoniam contrahunt; oriuntur leipothymiæ, afphyxiæ, & tristissima vita, propter exhaustos nutritionis fontes, atrophica tandem morte terminatur.

Fit etiam aliquando, ut circa finem vitæ omnia quidem fymptomata cessent, & quæ assumuntur satis facile, saltem multo minoribus cum molestiis descendant, absque tamen ut debitum ab assumtis accipiat corpus nutrimentum, uti nuperrime vidi in sæmina quadragenaria, quam molestissima dysphagia la-

borantem tractavi; nempe in hac plenariam capacitatis abolitionem, quæ ferme per octo hebdomadas duraverat, & muci tenacioris copiosam dejectionem; indurationi glandularum dorsalium atque illarum, quæ laryngi adjacent, & in ipfa etiam oefophagi fabrica obveniunt, attribuens (nam in initio mali ad varias distantias impedimenta perceperat,) per frictiones mercuriales fecundum methodum Cl: MUNGKLYI extus, & per fuccum inspissatum cicutæ cum syropo quodam forma linctus ab interioribus malum levare conatus fum, iifque fenfim effeci, ut fluida jufcula carnium, lac, item pultacea alimenta admitterentur, absque doloribus, absque vomitu aut regurgitatione mucofæ falivæ; nihilominus tamen emaciebatur ulterius, & postquam per tres hebdomadas debita alimenta & qualitate & quantitate, nec non remedia roborantia bene assumere potuisset, fatis cessit; in mali naturam inquirere superstitiosi propinqui prohibuerunt, forfitan alias hujus phoenomeni ratio clarius patuisset, nempe descensus facilioris alimentorum, utrum medicamenta resolventia in glandulis hanc mutationem effecerint, an ex mali indole & abolita sensilitate læsæ partis, mole sua descenfus ingestorum permissus fuerit: Atrophiam lethalem ab acrimonia, quam omnes per inediam jam fusceperant, humores derivo; forte etiam a deleta actione vaforum lacteorum, quæ per octo hebdomadas nihil acceperant; quoniam eundem morbi progressum ac finem in viro, qui post angustiam pylori de-

functus est, observavi, de quâ sequenti sasciculo scribere animus est, quare plura hoe loco non addam: fit tamen etiam, ut ægrotantes ab assumtis remediis, & debita diæta pro aliquo temporis spatio levamen symptomatum, cum vera habitus emendatione, experiantur, eaque denuo negligentes in pristinum illabantur statum, qui æque ac si nullum instituissent auxilium, tandem ad mortem miferos ducit, dum exstant etiam, licet pauciores observationes, que docent, justum remediis utendi tempus, non nimis malignam mali indolem, ægrorum patientiam & medici fagacitatem concurrentia perfectam fanationem effecisse, quas hie adducendo extra ordinem iremus; in curationis tractatione opportuniorem locum invenient.

felte diverdimente habents di Inlandais & in seutis cofibus

Descripta modo ratione morbus procedit, si oriatur a causis obscuris, in initio levibus & fere imperceptibilibus, quæ lente increscendo miseras hasce sequelas producunt. Quandoque vero cito & violenter hominem aggreditur, & in fummum vitæ periculum ab initio jam statim conjicit, si producatur a talibus causis, quæ subito & violenter agunt, quas etiam in posterum recensebimus.

pion will addict average by (w)

36 GENERALIS DESCRIPTIO

S. IV.

Hæ caussæ etiam sæpe tales sunt, ut indolem suam jam statim clarius monstrent, & si occasio apto loco arripitur, dextræ Medicinæ nonnunquam auscultent, ac permittant, ut ægri plenarie in pristinam sanitatem restituantur, qualem sanationem hoffmannus post inslictum thoraci vulnus, per quod lac assumtum essuxit, peregisse legitur Act. Harl.: aliquando autem, licet tollantur, in parte, quam occupaverunt, talem relinquunt conditionem, ut miseri in modo memoratum chronicum malum incidant homines, dum etiam exstant exempla, ubi vitam inopinanter cum subitanea morte commutaverunt (a).

En, Benevole Lector, absolutam Morbi Historiam, prout sesse diversimode habeat, & in chronicis & in acutis casibus: transeo ad causas.

CAPUT

⁽a) Vid. BOERHAVII descript. Morbi atroc.

CAPUTTERTIUM.

EXHIBENS CAUSAS IMPEDITÆ ALIMENTORUM DEPULSIONIS PROXIMAM ET REMOTAS.

Manuales voce ditte cooling g. willing astin cool astumula

phasis and perigender hajor there's the Money required Proxima alimentorum impeditæ depulsionis causa consistit in imminuta aut plane abolita oesophagi capacitate, producta a diversissimis conditionibus in ipso vel extra illum hærentibus, quæ sic diversimode quidem ejus actionem lædunt, omnes tamen eundem similemve præstant effectum.

telling ble per longitudinal Let Charl denineppes, out and

Hæc est nostri morbi causa, uti vocant, proxima, que ut producatur, necesse est, fiat nonnullarum conditionum concursus, quarum aliæ corpus ita disponunt, ut in hunc morbum quasi pronum ruat, aliæ vero occasionem subministrant, qua fit, ut seminio in corpore latenti accedente debita ac conveniente conditione, qua in actum deducatur, hic enascatur morbus. Priores conditiones dicuntur Seminia, caufæ proegumenæ vel prædisponentes, posteriores procatarticæ causæ five

38 GENERADIS DESCRIPTIO.

five occasionales: utriusque generis præcipuas nunc considerabimus.

CAPUTITIERR TIUM.

Phalangem ducant causæ prædisponentes, quas in duas dividere classes hic poterimus, in naturales nempe & non naturales.

Naturales voco illas conditiones, quæ licet in fanissimi oesophagi, ad peragendas hujus partis functiones requirantur, eum ad tales degenerationes prædisponunt, quæ in aliis partibus tali vel simili fabricatione non gaudentibus, haud ita facile vel nequaquam locum habere possunt; atque tales prædispositiones non tantum in constato ex suis partibus oesophago occurrunt, sed inveniendæ sunt in quavis tunica separatim considerata: ab interioribus iterum inchoando videamus breviter de singulis.

Plice ille per longitudinem oesophagi decurrentes, quarum structuram atque utilitatem in §. IIda Capitis Imi ni fallor demonstravimus, ad impulsum humorum vel moram nimis diuturnam minorem multo resistentiam faciunt, sui extensionem facilius permittunt, adeoque in suis cavitatibus cellulosis morbosas congestiones recondere, & sic lente depulsionis impedite causis ansam magis præbere possunt, quam si glabra esset superficies interior & undiquaque eadem vi impellentibus resistens.

Intima tunica infenfilis quidem est, & vasis sanguiseris pro-

prie destituta, adeoque per se inflammationibus, suppurationibus aut spasmis non corripitur, attamen variarum degenerationum fundamenta in se jam posita habet: nonne in epidermide cutis externæ, cui similis est, callositates, indurationes aliaque mala aliquando nascuntur; nonne & hæ eædem in hac ejusdem structuræ membranula produci possunt? derasionibus præterea obnoxia est per facilem suam adhæsionem, retinetur enim tantummodo per sui continuationem quam maxime extenuatam, qua se in ductulos glandularum excretorios immittit, & intil mam arteriolarum exilissimarum, quæ exhalant, tunicam quoque constituit, juxta Cl. BOHNII Theoriam.

Porosa etiam ejus fabrica illam obstructionibus prædispositam reddit; facile enim poruli vel foraminula vel per mucum nimis tenacem, vel per nimis fortiter adstringentium abusum præternaturaliter clauduntur, sicque humores a tergo inpulsos non transmittendo stagnationes in vasis & ductibus excretoriis faciunt, continentia expandit, contentis acrimoniam conciliat, sicque principiis morbi describendi uberrimus sons existere potest.

Huic subjecta nervea sensilitatis capax, quâ & arteriolas exhalantes ad evaporandam lympham, & ductulos excretorios ad eructandum, & glandulas ipsas ad secernendum liquorem mucosum, & vascularem tunicam ad circumducendum sanguinem, & muscularem ad moderata vi contractili depellendum, quod in cavo suo hæret, debet invitare; excessu vel desectu hu-

40 GENERALIS DESCRIPTIO

jus virtutis fæpius peccare potest, sicque in arteriolis exhalantibus, in ductulis excretoriis obstructionum diathesin producere, in glandulis intumescentiæ, indurationis & degenerationis carcinomatosæ, in arteriis inslammationum, in muscularibus sibris proclivitatem ad nimis violentos contractiones, vel etiam ad lethales harum partium resolutiones.

Glandularis autem tunicæ fabrica præ omnibus describendi morbi sontibus savet; in quibusvis enim corporis nostri partibus glandulosis non tantum hodierni medici frequentius, quam in aliis dispositionem ad intumescentias morbosas, indurationes, tubercula, scirrhositates & carcinomatosas degenerationes experientia confirmatam observant, sed veneranda antiquitas certe ideo sedem horum malorum jam statuit in utero, saucibus, ore & mammis (a) in liene, hepate aliisque partibus glandulosis (b); in auribus, naribus & mammis celsus eas describit (c), dum galenus (d) partes hisce malis recipiendis aptas præ cerebro atque pulmonibus pronunciavit in genere Glandulas, Lienem, Hepar, Uterum, & musculorum tendines, juxta quos multus viscidus humor secernitur, a quo galenus causam scirrhi

de-

⁽a) Vid. HIPOCR. de morb. mulierum L. II.

⁽b) Vid. HIPOCR. Lib. de affect. aphor. 42. Sect 6.

⁽c) Lib. II. Cap. 28.

^{- (}d) Vid. GALEN. Lib. IV. de præcegnofe. expulfu, & Cap. 4. Lib. II. ad glaucum-

fieducit (a) his addit AETIUS collum, humeros, alas & inguina (b): nonne ergo & hæc membranula, in quâ innumera
quantitas glandularum fubtilissimarum humorem viscidum secernentium, ex tortuosis vasculis atque parvis folliculis compositarum, vel per obstructiones in suis ductulis excretoriis,
vel per inflammationes vasculorum, vel per acrimoniam humorum, quos secernunt, facilius intumescentiis, indurationibus,
degenerationibus ab una ad vicinam transeuntibus corripi potest, quam quædam alia pars aliter constructa?

Neque omittenda videtur tunicæ vascularis fabrica; quo enim tortuosiores sunt vasorum ramificationes, eo lentius in his feruntur & reducuntur humores, adeoque in variis, quas faciunt ansis & ansractibus, si in humoribus spissitudo phlogistica peccat, stagnationes possunt fieri facilius quam in vasis, quæ magis recta ramificatione gaudent, adeoque cito inde in his obstructiones & inflammationes nascuntur, quæ si adsint, non facile eamdem ob causam resolvuntur, sed terminum hujus supermanent, atque subpurationibus aliisque inde nascentibus vel in se ipsa vel in vicinis, degenerationibus expositum oesophagum faciunt, ubi tamen hæc structura in hac parte quam maxime requirebatur, uti supra jam demonstratum est (c).

Post-

⁽a) Vid. Libr. de tumoribus.

⁽b) Vid. Tetrabib. Cap. 44.

⁽c) Vid. Cap. I. §. 7.

42 GENERALIS DESCRIPTIO

Postquam blandissimum bolum deglutimus, requiritur, ad levissimum stimulum sibrarum spiralium atque longitudinalium contractio, ut depellatur, quod sua mole non cadere potest per collapsum tubum, adeoque irritabilitate magna præditas esse illas oportebat (a) sed eadem virtus facit, ut quandoque ex levissimis causis violenter oesophagus contrahatur (b), & sæpius dirissimæ inde anxietates ex dissitis etiam causis nascuntur; dum altera, qua præditæ sunt, virtus, nempe permittendi sui ad gradum notabilem expansionem sive dilatationem, aliquando lethalis resolutionis sons exsistere potest (c).

Quæ has tandem omnes complectitur cellulofa, glandulis fcatens quam plurimis, non tantummodo minoribus illis, quæ per omnem mediaftini cellulofam & etiam præcipue fub fterno cernuntur, fed etiam majoribus vefalianis, ex fua ftructura ad talia vitia prædifpofita quoque eft, ut morbi nostri causa inde produci queat: si jam in summam colligamus, quibusnam malis, per suam naturalem structuram, quævis pars ad oesophagi fabricam concurrens exposita sit, non opus erit, ut multis exponam atque demonstrem, quomodo sibi invicem junctæ atque in se invicem agentes hæ partes ad varios morbosos af-

fe-

⁽a) HALLER de partibus Cris. Hi. fensilibus & irritabilibus pag. 144.

⁽b) Vid. COOCK oper: chir: Tom. II. pag. 114.

⁽c) DU VERNEY ocuvres anatomique T. II. p. 170.



44 GENERALIS DESCRIPTIO.

que observatione inveniuntur (a) quæ absque hac fabrica non ita locum habere possunt.

Hæ prædispositiones non parum augentur, si in Cre locum simul habent illæ conditiones, quæ a nobis tanquam causæ prædisponentes non naturales, vel ex ipsius oesophagi sabrica non profluentes, considerantur, quarum notabiliores sunt sequentes.

Morbosa fibrarum rigiditas, cujus sontes a Divo BOERHAVIO (b) ejusque clarissimo Commentatore, tam ample sunt expliciti, ut ulteriore examine neutiquam indigeant. Hac sit, ut nimis lente circulentur humores per sua vasa, stagnent in receptaculis, acrimoniam induant, sicque variis incommodis ansam subpeditent: & si in sibris ipsius oesophagiads adsit hac causa, sequuntur facile harum torpor, abolitio contractilitatis, ac indissolubilis fere tandem induratio.

20. Contrarium folidorum vitium non raro fimilibus prorfus effectibus ansam præbet.

3° Ætas fenilis; quatenus communem fontem constituit tardioris circulationis, obstructionum varii generis, solidorum rigiditatis morbosæ, ac resolutionum sibrarum muscularium, unde modo memorata mala profinunt.

40.

⁽a) Vid. Tab. 6. Fig. 1 d. Fig. 2 g. Fig. 4 d. & Fig. 5 d. & f.

⁽b) Vid. Aphor. Cap. de Fibr. Rigid.

40. Sexum utrumque huic morbo recipiendo aptum statuimus. Clarissimus MAUCHART (a) putat, sexum masculinum præ foeminino dispositionem ad hunc morbum alere, dum alii Auctores contrariam opinionem amplectuntur. Utrumque fexum morbo hoc affligi, annales medici comprobant; utrum autem masculinus præ sexu sequiore in hunc morbum magis proclivis sit, aliis dijudicandum relinquo, quum res ardua nimis mihi fit accuratam observationum computationem inire. Ego autem puto, in fexu virili prævalere nonnullas conditiones, quibus proniores fint in hunc morbum a causis ex nimia rigiditate fibrarum oriundis, dum iterum in foeminino etiam frequenter oriatur ab aliis conditionibus, quæ in fexum virilem non ita incidere possunt. Et in hac multo frequentius mihi occurrit, quam in virili.

50. Inter has prædisponentes caussas quam maxime etiam merentur recenseri valida & ingrata animi pathemata, quæ viam aperiunt spasmodicis quarumcumque partium affectionibus, quibus in confensum rapitur oesophagus, circulatio turbatur, humores corrumpuntur, stagnant, acres bunt, & alicubi deponuntur: inprimis autem huc faciunt pathemata tristiora, ut moeror diuturnus, ira atque livor (b).

60.

⁽a) In Differt, egregia de Struma Oefophagi in Tom. II. Differt, Chir. Cl. HALLER L. (b) Vid. A. DE HAEN de Deglutitione vel deglutitorum in cavum ventriculi descensu impeditis p. 25.

46 GENERALIS DESCRIPTIO.

60. Potuum aquoforum ut & spirituosorum abusus: hi enim excoriationibus, inslammationibus, indurationibus ansam præbent, illi laxitatem morbosam sibris inducunt, dum uterque variis dyscrasiis humorum viam aperit.

7° Inter hasce causas reponi debent variæ Cacochymiæ, quæ ad vasorum glandularumque obstructiones producendas non parum symbolum conferunt: inprimis huc faciunt cacochymia scrophulosa, rachitica, venerea; revocanda huc etiam acrimonia cancrosa, sive adsit ex hæreditaria labe, sive ex infectione contrahatur, sive ex causis occasionalibus proveniat: omnes enim hæ æque ad oesophagum, ejusque adjacentes partes glandulosas, quam ad alia deponi possunt organa.

80. Inter causas, quæ recipiendo hunc morbum corpus adaptant, memorari debent lenta humorum spissitudo, quæ ab abundante in sanguine materia terrestri & solidorum torpore producitur, unde sere in omnibus senum cadaveribns, tam var sorum, quam variarum partium musculosarum, tendinosarum ac membranosarum, ossisicationes aliæve indurationes inveniuntur.

S. IV.

Hæ sunt Caussæ nostri morbi sic dictæ proëgumenæ, nunc illas, quæ Procatarcticæ vocantur, enumerare aggrediemur: inter quas

- 10. Illa confiderabimus quæ forinfecus admota nocent.
- 20. Evacuationes fubpressas.
- 3°. Oefophagi morbos prægressos vel præsentes, quo inprimis pertinent inflammatio, suppuratio, abscessius, induratio, excoriatio, spasmus diuturnus, paralysis, expansio saccisormis, concretio, degeneratio quæcumque atque ruptura.

4º. Adjacentium partium variarum variæ affectiones, v. g. Pulmonum aliorumque organorum pectoris, vertebrarum, Aörtæ, Diaphragmatis, Hepatis (a), Glandularum dorfalium &c.; quæ quovis modo agentes oesophagi actionem turbant, sequentur.

Inter illa, quæ forinfecus admota nocent, imprimis referri debet abufus nonnullarum rerum non naturalium; præcipue huc pertinent Cibi & Potus acriores, aromatici, ut & glaciales, (b) qui deradendo mucum, rodendo internam tunicam, atque constringendo fibras musculares, adeo possunt angustare tubi capacitatem, ut identidem major deglutiendi oriatur difficultas; idem hoc a nimis fervide deglutitis exfpectari debet. Inprimis autem nostro malo producendo multum con-

fer-

⁽a) Vid. Obs. 2. T. 6. Fig. 4. & T. 7.

⁽b) Quos raucitatem infanabilem produxisse scribit st. v. D. WIEL A. c. T. I. Obf. 27.

48 GENERALIS DESCRIPTIO

ferre observantur Potus Spirituosi acidi, austeri, qui non solum memorata modo acritate mala in oefophago producunt, sed etiam fluida ita corrumpunt, ut præcipue systema glandulosum hinc patiatur: fere semper enim in cadaveribus illorum bibaculorum, qui spiritu Juniperi vel Vini suam vitam sustentari posse credunt, & his etiam fere solis aluntur, ventriculum valde contractum, naturali multo minore capacitate præditum; & glandulas mesenterii obstructas atque induratas invenimus: eadem ergo ratione oesophagus constringi, & glandulæ huic adjacentes possunt indurari, ut harum potentiarum nocentium concursu noster Morbus producatur: quemadmodum præ ceteris docuit exemplum istud Aurigæ Benthemensis infra Inter rerum non naturalium abufus referri hic adductum. debet nimia Tabaci fumigatio, quæ fui amatoribus (quidquid Nostratium multi sibi & aliis obtrudere cupiant) certissime plura damna, quam emolumenta, profert: in illis enim, qui salivam, ob irritationem glandularum hanc fecernentium, copiofius in os affluentem, continuo excernunt, privatur Corpus humore ad masticationem, deglutitionem & concoctionem valde necessario: in iis autem, qui salivam hanc sumo mixtam deglutiunt, acritate, qua inepta fit ad munera fua peragenda, variis modis nocet, rodit tunicas, obturat vaforum exhalantium ofcula, exficcat partes internas, & in infuetis systema nervosum ita turbat, ut veneni effecta ab hisce deliciis prima vice gustatis experiantur, quæ & in assuetis non plane cessant, licet mitiora. Præterea accedit huc, quod, dum de siccitate oris & excoriatione faucium conqueruntur, convivæ remedium quærant in proverbio ore vinoso bene fumatur: repetitur hoc sæpius, utuntur sæpe vino crudo, inprimis rubro austero, strenue sua pocula hauriunt, ut abluantur partes exsiccatæ & aridæ sauces resiciantur, dum suo damno sæpius postea experiantur, quod hoc, in accensis ignibus ignis erat.

Porro hic recenferi debent Corpora heterogenea deglutita, mole vel acritate nociva, quorum ergo nonnulla hærent in oefophago, & obturant canalem, ita, ut cita infequatur fuffocatio, nifi apta inftituta medendi ratione, five per remedia, five per inftrumenta chirurgiea educatur hoftis: alia apicibus fuis fefe tunicis infigunt, eafque violenter atterunt, lædunt, pungunt, rodunt, inflammant, imo & perforant nonnumquam, inprimis fi accedat fortior fibrarum ad fenfum molefti & præternaturalis ftimuli contractio: qualis etiam perfæpe metuendus a violentis remediis emeticis propinatis, aut ab applicatione inftrumentorum propellentium, in quorum itaque ufu fumma requiritur prudentia, & plerumque palliando & exfpectando certius tutiufque medela affertur, quam nimia fedulitate multa agitando, trudendo, propellendo.

S. V I.

Evacuationes folitæ fuppressæ ad nostrum Morbum generandum multum faciunt, inprimis Mensium, Hæmorrhoidumque: hinc enim sæpe fiunt congestiones & stagnationes humorum particulares; quod dum ad alias partes sieri quotidiana observatio docet, non est, cur negemus sieri ad Gulam.

Perspirabilis si supprimatur materies, sieri quoque potest, ut oriantur obstructiones in glandulis ipsius oesophagi vel ei adjacentibus, ipsisve ejus parietibus & organis vicinis, quæ aliquando sunt pertinaces, & in ipsas indurationes indissolubiles abeunt (a). Anno 1780. die 12. Aprilis vidi Foeminam Frisiacam triginta novem annorum, quæ per totam vitam prospera usa erat valetudine, (sed quinque fanis infantibus gaudens, siliam suam natu majorem sexdecim annorum, ex suppressione mensium, deglutitione impedita laborantem, anno præterito e vivis raptam retulit,) ipsa elapso tunc dimidio anno magnum subierat frigus, post quod sentiebat difficilem alimentorum in ventriculum descensum: resistentia, quæ iter ingerendorum retardabat, erat prope cardiam, & sensim major evadebat ac molestior. A Chirurgo quodam auxilium petiit, qui mali cau-

Let a strong the control of the fam

⁽a) Conf. SWIETEN Comment. T. II. pag. 647.

sam derivabat a muco tenaci obsidente ventriculi orificium, & ideo præscripsit vomitorium, post cujus assumtionem justit, ut ægrota ingereret ingentem quantiatem aquæ tepidæ: confilium hoc in usum fuit vocatum, sed sine optato eventu; cum nausea enim oriebantur insignes anxietates circa præcordia, & parum ingestæ aquæ evacuari potuit, licet ventriculus sæpius convelleretur. Ab hocce Viro ejufque medicamentis ergo nullum folamen accipiens pro tempore fefe fato fuo tradidit: increscentibus vero molestiis in assumtione alimentorum, usa fuit confilio vel Vetulæ vel Medicastri (perinde est utrum hominum genus fuerit, utrumque enim Medecinæ pestis est:) hoc consilium confistebat in eo, ut aliquoties de die assumeret dosin certam Spiritus Juniperi amari: Quod remedium, dicam potius venennm in hoc casu, ultra quatuordecim dies continuavit, maximo cum fuo detrimento, nam inde malum ita increvit, ut jam in miferrimam redacta effet conditionem, fic ut omnibus folidis iter jam penitus denegaretur, imo lac dulce vel jusculum tenue sæpius hæreret ad obstaculum, & cum muco tenaci redire cogeretur, aliquando tamen fine multa moleftia tranfiret in ventriculum: habitus Corporis jam valde macilentus erat, vexabatur subinde anxietatibus circa pectus & doloribus ad cardiam, etiamfi nulla conamina perficeret ad ingerendum cibum: menses ipsi regulariter, sed parce, fluebant, alvus erat clausa, pulsus bonus, respiratio satis bene etiam peragebatur.

52 GENERALIS DESCRIPTIO.

Menfe Aprili ad incitas fere redacta confilium tandem rationalis cujusdam Medici fumfit, qui caufam mali in induratione cardiæ ponens, post infaustam factam prognosin, præscripsit diætam tenuem, eupeptam & euchymam, cautelam a refrigerio, & medicamenta resolventia nonnulla, sed, uti facile erat prævidere, nimis sero, quum paucos post dies patrios lares repetens, apud suos brevi mortua sit. Patet in hoc casu, probabiliter refrigerium nimium fuisse causam perspirationis suppresfæ atque repulfionis & ftagnationis humorum acrium ad hafce partes; & videtur quoque verofimile, si hæc Ægrota in initio mali ad idoneum confugisset Medicum, quod forfan in fanitatem potuisset restitui; dum, post imprudentem usum vomitorii, atque nocivam assumptionem spiritus Juniperi ad pessimum statum jam delata fuerit, priusquam justam medelam quæsiverit aut experta fuerit: quod frequentissime fieri in hoc morbo, merito querentes audimus Practicos, ad quos dum fero nimis accedunt ægri plerumque etiam

Sero Medecina paratur!

S. VII.

Oefophagi Inflammationem angustiam cavi ejus producere posse certum est, adsunt enim tensio & tumor partium præternaturalis, præterea dolor immanis blandissimorum etiam assumtionem non fert, ad quævis deglutiendi conamina auctus, ita ut ad ipfius falivæ, etiam vel blandishmi olei olivarum adtactum spasmi exoriantur dolorisci admodum. Si in abscessum abeat inflammatio, donec rumpatur, hujus mole sæpe penitus clauditur, sic Clar. VAN DOEVEREN mecum communicavit, se Groningæ vidisse dysphagiam lethalem a collectione puris inter spinæ vertebrarum corpora atque inferiorem pharyngis superioremque oesophagi partem: non raro autem sit, ut ea in indurationem terminetur, unde sibrarum inertia atque ineptitudo ad propellendum id, quod debet ingeri, incrassatio parietum, concretio parietum inter se vel cum adjacentibus partibus, quibus sieri potest, ut (vita sub multis miseriis per aliquod tempus protracta) tota substantia tunicarum oesophagi degeneret, exedatur, imo & persoretur.

Licet morbus ille rarius occurrat, ejusque pertractatio forte ideo ab omnibus fere Systematicis sit omissa, vel ubi de angina inflammatoria agunt, in transitu de eo mentionem faciunt (a), inflammationem tamen veram in Oesophago oriri posse, talesque post se relinquere sequelas, non tantum a priori ex magno nervorum vasorumque numero, quibus instructa hæc pars est, & ex violentissimis ac frequentibus occasionalibus, quibus

ex-

⁽a) Vid. SWIETEN Commentariorum ad BOERH. aphorismos T. II. pag. 662.

exposita est, causis evincitur; sed etiam experientia omne de hujus rei veritate dubium tollit, quum a GALENO non modo jam descripta sit (a) aliique ex professo de eo egerint, (b) sed & fide dignissimo Præceptoris VAN DOEVEREN testimonio mihi constet, quater sibi hanc inflammationem occurrisse, scilicet bis Groningæ femel in Viro & femel in Foemina, & toties Lugduni Batavorum; in Foemina gravida hoc morbo correpta, itidemque in alia: quas copiosa V: S. & aliis, quæ requirebantur, antiphlogisticis omnes in sanitatem restituit, & ita quidem ut ea, quæ gravida erat, apto partus tempore fanum pepererit infantem. Memini, me ipfum ante aliquot annos, postquam Pratri cariffimo fcarlatina febre maligna exstincto, perpetuo adstiteram, inflammatione in faucibus loco magis inferiora verfus, quam qui in angina inflammatoria occupatur correptum esse, comitantibus dolore acerrimo, febre continua acuta cum delirio fatis valido, dum plenarie eram privatus potentia nixum deglutitionis edendi: abibat malum hoc in suppurationem, ita, ut abscessus formatus doloris quidem ac febris afferret remissionem, fed omnium æque potulentorum ac esculentorum transitum impediret: rupto autem eo, & eructata magna puris quantitate, fensim fensimque pristinum oesophagus recu-

pe-

⁽a) Lib. V. de locis affectis pag. 691 & 692.

⁽b) Vid. N. HONKOOP Differt, de infl. oefophagi.

peravit vigorem, quo & adhucdum lætus gaudeo (a). Non autem semper ita felicibus nobis esse licet, talis enim abscessus fæpe aliam fibi quærit viam, ac perforat tunicas oesophagi, ita ut exteriora versus rumpatur; vel, quod frequentius sit, abit in indurationes indiffolubiles, scirrhofas, ipsamve gangrænam: & licet talis abscessus feliciter rumpatur, atque materies purulenta evacuetur per os, fieri tamen potest, ut aperturæ factæ remaneant, aut cicatrices majores formentur, quæ viam quodammodo primo angustant, deinde autem perpetua assumtorum irritatione increscant, & plenariam tandem producant obturationem canalis ad vitam adeo necessarii. Ubi a fola fenfilitate nimia post hunc morbum remanente transitus alimentorum negari quoque aliquando observatum est (b).

Excoriationes internæ tunicæ vel a decidente crusta aphtofa (c) (quod fæpius fit,) vel à defectu muci viam lubricantis, vel ab ingestis nimia mole, scabritie, servore, rosione, austeritate aut acritate peccantibus productæ, fimilia poffunt præstare effecta.

Spasmum diuturnum depulsionem ciborum impossibilem reddere posse, nemo dubitabit, qui modo observavit, quam dif-

⁽a) Conf. Obf. que invenitur fimilis apud s T. v. D. WIEL Obf. 25. Tom. I.

⁽b) Vid. Cl. COOCH Oper. Chir. T. 2. p. 108.

⁽c) Vid. Ibid.

56 GENERALIS DESCRIPTIO

ficile sit, foeminis hystericis in paroxysmo remedia exhibere, propter validam, quæ tunc locum habet, oefophagi constrictionem, tam vehementem, ut longo etiam post paroxysmum tempore de fensu globi in faucibus hærentis conquerantur: Assumtio liquidorum in Hydrophobia correptis videtur propter eamdem inprimis causam nullatenus admitti (a). Exstant etiam observationes spasmorum oesophagi diuturnorum, quæ viam alimentis versus ventriculum præcludunt (b). Claristimus Præceptor N. G. OOSTERDYK in Prælectionibus Practicis de morbis oesophagi agens nobiscum communicavit, se vidisse talem oesophagi spasmum duodecim dies durantem sine aliqua remissione. Novi virginem, que aliquando absque prægreffa manifesta causa nihil, aliquando summa cum prudentia blandiora & modico calore prædita, transmittere per oesophagum potest, aliquando autem in comedendis acrioribus alimentis etiamque calidioribus aromaticis nullam difficultatem fentit.

Contrarium huic recensendum vitium, scilicet Atoniam & paralysin fibrarum muscularium oesophagi tunicam constituentium, Veteres jam descripserunt: Clarissimus J. FREIND in

(a) Vid. H. RIDLEY Obf. p. 117.

⁽b) Vid. Medical Essays and Obs. of Edinburg T. 1. Obs. 28. ZIMMERMANN in Actis Helvet. Tom. 2. p. 94. & alibi: conf. Cl. sauvages11 Dysphagiæ Spec. 1, 2 & 9. in Nosol. Meth. Tom. 2. p. 78, 79, 81.

Historia Medicinæ (a) scripsit, illa, quæ ab Arabe AVEN-ZOAR dicto dicuntur de Gulæ relaxatione aut interclusione, ex qua fequitur alimenta devorandi impotentia, nova esse, neque a Græcis aut Arabibus ullo modo explicita: quod tamen falsum esse, patet ex tractatu Clarissimi van geuns (b), qui perhibuit hocce vitium a GALENO jam observatum fuisse. Hoc autem vitium diversimode nostram causam proximam producere potest, id est vel collapsu parietum ad se invicem, unde aliquando fit, ut solida pondere suo obstaculum hoc superent atque propria gravitate descendant, ubi fluida, que leviora funt, redire coguntur, quales Observationes a FABRI-CIO HILDANO, BALLONIO, aliifque captæ apud schuri-GHIUM (c) satis copiose recensentur: quibuscum conferri merentur, que de angina convulfiva agens, swietenius memorat (d), vel & alio modo nostrum morbum producere potest; exstat nimirum Observatio oesophagi, cujus inferior pars non tantum erat collapsa, sed etiam a superiore parte in faccum alimenta retinentem relaxata ita comprimebatur, ut tota via esset intercepta atque occlusa (e).

⁽a) Vid. Operum T. 3. p. 249.

⁽b) Act. Harlem. Tom. XI. p. 27.

⁽c) In Chylologia Hist. Medica Cap. 5. S. 10 & 11. p. 250. & seqq.

⁽d) Vid. Comment. Tom. II. pag. 702.

⁽e) Vid. Medical Essays and Observ. vol. 3. S. 10. cf. VAN GEUNS p. 90.

58 GENERALIS DESCRIPTIO.

Recenfendæ quoque hic funt quæcumque ipsius substantiæ oesophagi degenerationes scirrhosæ, carcinomatosæ aliæque: talis oesophagi morbosi inspectionem mihi benevole concessit æstumatissimus Præceptor E. SANDIFORT: nimirum erat gula ex hominis adulti, impotentia deglutiendi defuncti, cadavere dissecta; in vivente, quod deglutiebat, hæsit circa ventriculum & redibat in os cum fpuma: in præparato oefophago & per longitudinem secto apparebant parietes solito crassiores atque indurati, & tota interna fubstantia videbatur degenerata in tumorem oblongum fcirrhofum inæquabilem, tubi capacitatem penitus delentem. Quæ observatio similitudinem quandam habet cum observatione nostra ultima, in eo tamen oesophago, nisi memoria fallor, degeneratio non tam insignis erat, neque tam complicata obstacula ac in nostra (a). Imo exstat observatio oesophagi adeo degenerati, ut sectione cadaveris, impotentia alimenta etiam liquida versus ventriculum depellendi defuncti, inveniretur tota ipsius substantia mutata in massam tenacem viscidam atque putridam coloris susci (b).

Non incongruum fore duco huc raram observationem conferre, à Doct. GRASHUIS cum Academia Cæsarea N. C. (c)

com-

⁽a) Vid. Obf. ult. Tab. 7.

⁽b) Vid. the Monthley Review for November 1779, feu Vol. LXI. p. 391-

communicatam, que mirabilem quoque a statu naturali aberrationem exhibet. De virgine agit, quæ, postquam per septem menses dirissima impeditæ alimentorum Depulsionis symptomata passa fuerat, tandem placide exspiravit, in cujus oesophago variæ & tam fingulares occurrebant degenerationes, ut operæ pretium sit anatomiam ejus ex Actis desumtam hic adjungere. ,, Integumentis diffectis & elevato sterno, pulmones omnino naturales conspiciebantur, nisi quod hinc & inde maculæ purpureæ apparerent, quasi sanguine congrumato infartæ: nufquam pleuræ adhærebant, vel ullo modo erant concretæ; cor fanum erat & naturali fimile; in medio pectore aliqua quidem induratio fentiebatur, ad latus & dorsum tendens, juxta corpora vertebrarum, nondum autem peculiare corpus intumescens; separabatur pulmo finister paulo magis ab ejus vasis & partibus contiguis simul cum aspera arteria, ut oesophagus nudus oculo adpareret: hactenus, autem nihil observari poterat, nisi quod Oesophagus circa medietatem pectoris præternaturaliter amplificatus videbatur, & quo ad tactum durus, maxime versus latus sinistrum. Ipso tandem parva incisione aperto oefophago, ftatim exiit fanguis coagulatus, huncque remotum, statim sanguinolenta & ichorosa materies excipiebat, magna in copia; Oesophagi membranæ nunc instar digiti minoris crassæ videbantur. Digitus intra factum foramen inmissus offendebat durum quoddam & carnosum tuberculum,

posteriori parti oesophagi non solum adnexum, sed etiam sirmiter assixum corporibus vertebrarum, a cujus latere inferius alterum simile aderat: digito circumquaque converso a dextro oesophagi latere magna quasi spelunca inveniebatur, ovi anserini magnitudinis, quo loco tunicæ valde tenues erant, inferius naturalis erat magnitudinis & capacitatis; idem autem magis dissectus ad longitudinem quatuor circiter pollicum ejus erat crassitiei, ut antea dictus, durus, insuper & callosus fere albicantis coloris; hæc durities oblique juxta corpora vertebrarum ad earumdem partem posticam pergebat: inter oesophagum & vertebras porro hærebant carunculæ multæ, quæ sanguinem fundebant, quando separabatur oesophagus a vertebris; qui ibidem loci sirmiter spinæ adhærebat."

Nec inutile erit, quoniam in antea memoratis Commentationibus Actorum Harlemensium adduci nondum potuit, adduxisse Observationem de Viro same consumto ab ossea oesophagi angustia, quam postea descripsit Cl. J. D. METZ-GER (a). Laborabat Auriga Celsiss. Comitis Benthem. ex abusu spirituosorum augustatione oesophagi, ita ut solidi cibi descendere non possent; pergebat adhuc in hisce utendis contra consilium sui Medici, donec lecto assixus emaciatus ac de-

one description in the contract of a stip of the

bi-

⁽a) Vid. ejus Abverfar. Med. Vol. I. p. 175. Traj. ad Mosam. 1774. ed.





cum terra effervescentem, atque candidum (vernis) tabulæ, in quam forte illa effundebatur, derodentem: qui etiam Auditoribus narravit, se in homine morbo nigro laborante observasse atrabilariam materiem vomitu rejectam adeo acidam, ut dentes roderet, & stanneæ matulæ, in quam eructabatur, fundum macula alba inficeret, veluti ab acidis corrodentibus fieri folet. Talis certe austeræ acidæque acrimoniæ esfectum ad Dyfphagiam producendum multum posse, nemo negabit. Dum etiam talis acrimonia in ventriculo ipfo ejusque inferiore parte non minus ac superiore & in oesophago suos fatales edit effectus, & ita cibos & potus ad ventriculum ufque quidem pervenire finit, fed transitum ad duodenum iis præcludit, & violentissimos vomitus atque anxietates & tandem atrophiam caufat, quales observationes quidem ad manus sunt, quas autem hie non adducam, quum sequenti fasciculo speciatim, de pylori affectibus morbofis agere animus fit.

Hepar inflammatum etiam fingultus difficillimi atque pertinacissime oesophagi constrictiones sepe concomitantur; vel & si hujus visceris sinister lobus induretur, vel mole increscat quavis de causa, hic sua compressione iter assumendis precludere potest (a): quod & facit Diaphragma, si laboret similibus modo memoratis malis, vel si fortiter constringatur.

Pul-

⁽a) Vid. MORGAGNE de Sed. & Caul. Morb. Ep. XXVIII. S. 17.

64 GENERALIS DESCRIPTIO.

Pulmones vario modo morbofe constituti, non folum comprimendo, sed etiam, propter arctam contiguitatem, cum oesophago concrescendo, vel morbosam, quam induerunt constitutionem ei communicando, ad producendum nostrum morbum conferre videntur, uti ex HAENII observationibus (a) & Casu a nobis allato concludi potest (b). Inter partes adjacentes oesophago difficultatem creare laryngem posse expertus sum in juvene gibboso, cujus larynx contra quorumvis emollientium atque refolventium applicationem offeam induebat naturam atque oefophagum totum lente claudebat; fymptomata dyfphagiæ comitabantur, anxietates cum angustia increscentes, dolores acutissimi in parte affecta, forte ab ossificationibus irregularibus a postica parte quæ oesophagum pungentes convellebant, lenta glandularum colli intumescentia, tensiones utriusque colli & capitis lateris dolorifici; quantitas muci non adeo magna erat, quæ excernebatur ac in aliis cafibus, respiratio difficilis ex gibbositate jam inveterata emaciationi notabili adjuncta, mortem acceleravit. Examen anatomicum cadaveris a confanguineis impediebatur.

Frequentissime vero omnium partium adjacentium peccant

⁽a) ANT. DE HAEN Trad. cit. p. 11.

⁽b) Vid. infra Cap. VII. Obf. 1.

Glandulæ oefophagi conglobatæ (a), atque Vefalianæ; harum indurationes & præternaturale incrementum fæpius quam aliæ cause nostrum morbum producunt, uti plurima docent observata. Quandoque tamen & alia corpora glandulosa oesophago adjacentia tumore & induratione tali peccant: fic in duabus Figuris, quas delineandas curavi, & in penultima hujus opusculi tabula apposui, adfuit glandulæ talis morbosa magnitudo: in adultæ nempe Foeminæ oefophago, ille tumor, qui infra glandulam thyrioideam oefophago adjacet (Tab. VI. Fig. I & II. gg*), videtur nil aliud esse, nisi glandula conglobata in præternaturalem molem aucta; dum alter tumor, qui in juniori corpore ad divisionem arteriæ asperæ apparet (Tab. VI. Fig. IV & V. d.) videtur ex Vefalianis effe, propter locum, quem occupat, & quia nonnullæ aliæ hujus generis, minores tamen, a statu naturali aberraverant: Quæ observatio non absimilis TULPIANÆ, quæ glandulas asperæ arteriæ accumbentes morbofas exhibet (b). Quidquid fit, ex hifce figuris faltem patet, hasce glandulas posse indurari, mole augeri, oesophagum comprimere, atque lethalem Dysphagiam producere.

Porro inter has partes adjacentes numeramus Aörtam, quæ

⁽a) Vid. HALLERUM Elem. Phys. T. I. p. 139. & feqq. & T. III. p. 150. & 151. cf. autem inpr. de hifce cl. VAN GEUNS 1. c. p. 64.

⁽b) Obf. Med. L. 1. Obf. 44.

66 GENERALIS DESCRIPTIO.

volumine aucta, uti in aneuryfmatibus fit, adjacentis oefophagi actionem non potest non turbare. Quod non mirum
videbitur, siquis arctam vicipiam harum partium considerat, dum (quod miror) ab auctoribus, qui aortæ aneurysmata in thorace obvia descripserunt; raro de dysphagia ut symptomate hujus vitii mentio sit, dum tamen aliquando pro nostri
morbi causa descriptum est (a) ego ipse observavi aneurysma
magnum magnæ arteriæ in abdomine, quod tanta incommoda
in ventriculo, liene & rene sinistro essect, ut inde facile colligi posset, quod si hoc idem in superiore parte locum habuisset,
certo certius oesophago penitus clauso lethalis dysphagiæ causa exstitisset: hujus autem observationis latior descriptio cum
delineatione partium in posterum sequetur.

Quascunque pectoris partes, degeneratione & induratione correptas, oesophagum ita comprimere & angustare posse, facile quilibet agnoscet, qui attente legerit essectus Steatomatis istius, quod in III. Comitis S. Albani cadavere invenit & descripsit seculi nostri & Academiæ Leidensis ornamentum BOERHA-VIUS (b). Thymi glandulæ indurationem posse nonnunquam etiam Dysphagiæ ansam dare, patet ex observationibus, quas

in

⁽a) Talis observatio exstat in Hist. Acad. reg. scient. Paris. anni 1700. p. 178. &c 2pud Morgagn. I. c. Ep. XVIII. §. 22.

⁽b) V. Atrocis Morbi Hift. alt.

in elaboratissimo suo Commentario, qui præmium Societatis Harlemensis reportavit, adduxit Clar. VAN GEUNS (a). Pericardium intus contentis expansum oesophagum quoque ita afficere posse, patuit mihi in cadavere Juvenis 20 circiter annorum, quod ante aliquod tempus dissecui, & cuius Historiam Anatomicam ad calcem Differtationis tertia Observatione addidi. Leabillog tarahoudha . maran ostqoraliqa as atiqisas and

Spinæ incurvationem raro ad tantum procedere gradum, ut hinc cibi per oesophagum descendere non possint credimus quidem, attamen incurvatio illa non parum contribuit ad majorem ciborum vel potuum fervidorum, gelidorum, asperorum, austerorum, acrium, scabrorum similiumque allisionem, & attritum, ad parietum oefophagi latera; adeoque mali nostri initia facere & progressum promovere haud parum posse videtur. Aliquando etiam vertebrarum corpora inter se invicem coalescunt, absque incurvatione quidem spinæ, sed intermedia cartilagine degenerata in offeam naturam atque fatis notabiles exoftofes formante; quale specimen possideo quinque vertebrarum dorsi, absque incurvatione concretarum, in quo prominent notabiles nodi a quoque latere corporum per degeneratam in os cartilaginem producti ita, ut costas duas immobiles quoque retinuerint;

hi

68 GENERALIS DESCRIPTIO

hi nodi, si paulo magis versus anteriora locum haberent, tantæ molis sunt, ut notabiliter oesophagi actionem turbassent. Luxationem spinæ dissicilem Depulsionem producere quoque posse, videtur concludendum ex galent loco, quem citavit swietentus (a). Certo certius ciborum transitus dissicilis quoque suit in illo homine cujus cranium coalitione atlantis, cum occipite & epistropheo rarum, adhucdum possideo, in quo distantia vertebræ superioris ab ossibus palati tam parva est, ut in depurato capite vix digitus pollex intromitti posset (b).

may cities univel pour me To. V. o. Vin , solidoman safrenon

Enumeratis jam Causis nostri morbi occasionalibus, quæ ex ipso oesophago vel partibus adjacentibus profluunt, recensendæ nunc illæ sunt, quæ in remotiori parte hærentes Nervosum systema ita afficiunt, ut canalis cibarii siat angustatio. Sic observata est impedita alimentorum Depulsio a materia viscida tenaci ventriculos cerebri obsidente (c), qua siebant aliarum partium spassice constrictiones & etiam oesophagi, ita ut inde

ne-

⁽a) Comment. ad Aph. BOERH. Tom. II. pag. 647.

⁽b) Vid. Clar. SANDIFORT: exercitationum academ: Cap. III. ubi hæ partes accuzatissime descriptæ sunt & Tab. III. Fig. 1. ejusdem operis optime illustrantur.

⁽c) Vid. BONET. Anat. Prad. L. 1. Sed. 13. Obf. 15,

penitus obturaretur. J. J. WEPFERUS (a) observavit deglutitionem impeditam ab hemicrania, WINCKLERUS (b) post apoplexiam: in S. N. etiam certissime hæsit ilsa causa Dysphagiæ moralis, nisi fuerit effectus phantasiæ vitiatæ, quam ROSINUS LENTILIUS allegat (c): erat nempe Foemina, quæ omnia esculenta & potulenta prompte poterat deglutire, excepta Hostia consecrata, quam, licet adhiberetur vis, ut versus ventriculum descenderet, semper revomuit.

CAPUT QUARTUM.

DEPULSIONIS IMPEDITÆ STMPTOMATA ET DIAGNOSIN PROPONENS.

S. I.

Symptomata, quæ in crudelissimo hoc morbo occurrunt, non minus tristia quam gravia sunt: illa, quæ à causa proxima (Cap. III. S. 1.) dependent, ut plurimum inter se conveniunt;

⁽a) Obf. Med. Pract. pag. 141.

⁽b) Vid. WEFFERI Hift. Apopledit. Obf. 13. pag. 464.

⁽c) Vid. Ephem. Acad. Nat. Curiof. Cent. 7. Obf. 61. pag. 125.



inprimis eo tempore, quo ægri aliquid ingerere tentant, aut jam ingesserunt; emaciatur corpus, cacochymicum sit & cachecticum; omnes functiones debilitantur & languent, sames desinit, & atrophica tandem mors morbum terminat. Rara sit mali eradicatio. Hæc sunt generalia symptomata, quæ constanter in omni oesophagi angustatione morbosa adsunt.

S. III.

Sunt tamen & alia, quæ dependent a varia conditione morbofa, quæ in causa est, ut oesophagi capacitas minuatur: horum autem innumera series est, & diversitas adeo magna, ut in singulis ægrotis alia atque alia occurant. Quum ergo eorum enumeratio deberet consistere in compilatione verborum variorum Auctorum, & repetitione illorum, quæ in Casibus a me observatis notata sunt, nec non in Cap. II. jam sunt memorata; hisce inhærere longius nolo, ne attentione & patientia Lectoris abuti velle videar, unica tantum observatione addita, ad Diagnosin nostri morbi exhibendam transibo; Cl. Præceptor oosterdyk mecum communicavit, sese in Vetula, dysphagia cum sebre remittente laborante, observasse Aphthas albas, copiosas, sacile tamen solubiles, prægressa jam diu alvi constipatione pertinaci admodum, quæ unde originem traxerint, dubium est: sorte ex cacochymia per inediam diuturnam orta.

72 GENERALIS DESCRIPTIO.

S. IV.

Cognoscitur Morbus ex præsente dissicultatis sensu, in quadam oesophagi parte, ad propellenda alimenta; ex regurgigatione frequenti ingerendorum per os & nares; ex copiosiore solito m ici in os assluxu; & ex emaciatione corporis.

Ex hisce signis præsentibus facile possumus concludere, adesse Depulsionem alimentorum impeditam. Utinam eorum cause tam facile erui possent! sed contrarium semper locum habere, omnes, qui talibus ægris adstiterunt, dolent Medici. Aliquando quidem in collo, fi in superiori quadam parte hærent, sese oculis vel tactu perquiri & cognosci permittunt; sæpissime autem fomes magis inferiora versus hæret in pectore reconditus, & attentifilmos quoque Medicos fallit, quod in Cadaverum diffectionibus (quæ tamen propter nefandam vulgi superstitionem a consanguineis plurimis in casibus negantur) patet. Si autem cultro anatomico tale cadaver traditur, tunc quandoque occurrunt quædam conditiones morbofæ, de quibus, dum vivi adhuc crant ægroti, nunquam Medentes cogitaverant, aut cogitare poterant. Quid ergo in tantis rerum tenebris est agendum? Non licet, me quidem judice, Medico in hisce plane quiescere, & miseros illos Mortales suæ sorti relinquere, fed oportet, ut fedulo inquirat, an ex caussis prægressis vel symptomatibus præsentibus, si non ad certam, ad probabilem faltem fomitis hujus morbi indolifque cognitionem pervenire posiit, eaque forsan occasionem acquirere auxilium qualecunque ipfis procurandi.

difficulty requirement potetic. V. received by bright industrial

cologiani ipina, andomprenion cianulatum niani wa pay-

In acutis cafibus res fæpe fatis clara est. Sic v. g. inflammatio ex violentissimis, qui comitantur doloribus, ex febre acuta continua præsente, ex prægressis caussis inflammationi generandæ aptis, satis facile cognosci potest. Spasmus ex causis prægressis eum producere solitis, aut imprimis ex manisestis remissionibus & exacerbationibus, debet cognosci: hæ autem in omnibus casibus, & à quibusvis causis oriundis, adesse quidem obfervantur, fi autem a folo spasmo morbus oriatur, lucida adfunt intervalla, ita quandoque, ut pro tempore ab omnibus molestiis liberi sint ægrotantes, & nulla adsint morbosæ conditionis figna; pro tempore iterum deinde tam validas oefophagus constrictiones subeat, ut, cum anxietatibus atque doloribus, iter ab ore versus ventriculum penitus clausum sit. Si a Corpore heterogeneo deglutito, atque in tubo hærente, malum oriatur, ex narrationibus ipfius ægrotantis vel adstantium, atque exploratione ope stili balenacei sæpe certo causa & sedes morbi inquiri potest.

descentits facilities folderum quien duideana.

74 GENERALIS DESCRIPTIO

chiange a chican lidgens. V i. line month melican

In illis autem casibus, ubi a levibus primordiis ortus morbus est, Medicum plerumque causa latet, & quandoque etiam distingui nequaquam potest an præsens Dysphagia indurationi oesophagi ipsius, an compressioni glandularum aliarumve partium adjacentium, an paralysi debeat adscribi; quum aliquando nulla horum morborum certa signa in vivis occurrant, ubi tamen, si cadaver examinatur, aliquando una vel altera, aliquando plures, imo quoque omnes memoratæ conditiones occurrunt.

Justam tamen habemus causam, cur credamus adesse Paralysin muscularium oesophagi sibrarum, si fauces ad conspectum sunt pallidæ atque collapsæ. Aliquando autem, cum oculos sugit mali sedes profundior, signa petenda sunt 1° ex ætate senili, quæ, propter quotidie decrescentem vim vitalem, quam maxime disponit ad partium musculosarum resolutiones; 2° probabile est, malum a paralysi oriri, si prægressi sunt morbi, qui etiam in aliis partibus talem conditionem relinquunt; 3° prægressæ evacuationes majores, sive nimia copia sanguis sit detractus, sive alii humores copiosius, quam par est, essure ad hanc affectionem; 4° signum paralysis est descensus facilior solidorum quam sluidorum.

IVD

Si

Si autem fentitur locus, quousque preveniunt, ubique remanent alimenta, absque rejectione, tunc conjecturam Sacci in oefophago formati facere licebit.

Ab oefophagi ipfius Induratione malum oriri credimus, vel a Tumoribus in eo formatis illud excitari, si 10 tales prægresfæ funt caufæ, quæ hofce generare poffunt, v. g. arrofiones tunice internæ, inflammationes, abscessus & aliæ, de quibus antea vidimus. 20. Si adsit ætas senilis cum universali solidorum Rigiditate, præcipue si malum incidat in subjecta, quæ dedita sunt vel antea fuerunt abusui potuum spirituosorum, acriorum aromaticorum, cum forti tabaci fumigatione, vel etiam in hominibus, qui potus aquofos & cibos fervide deglutire amant. 30. Denique, si instrumento exploratorio firma opponitur refiftentia.

Induratas glandulas denotant in nostro morbo. 1º. Tempeperamentum laxum pituitofum frigidum. 20. Atrophia, quam etiam aliarum glandularum, præfertim conglobatarum, comitantur tumores. 30. Morbi Catharrhales frequenter prægressi, quorum recidivæ minima de causa concipiuntur in dispositis, & fic facilis occasio humoribus stagnandi in suis glandulis inde nascitur. 4° Sedes mali: quæ est vel in collo ad laryngem, vel in thorace ad divisionem asperæ arteriæ in Bronchia, vel ad locum illum, ubi Thymus in junioribus conspicitur, vel etiam ad fuperius ventriculi orificium; quale specimen olim in Physiolo-

76 GENERALIS DESCRIPTIO.

& reduci potest ille tumor glandulosus, in nostra Observatione I. Cap. VII. memorandus, quem exhibet Figura III. adnexæ Tabulæ 6. 5. Resistentiam hoc in casu non tantam offendit instrumentum, quod ad explorationem immittitur, quam ubi oesophagus ipse induratus est: sed hoc quasi monticulum superscandit, & ultra obstaculum protrusum facile penetrat versus inferiora, hinc etiam, quando malum nondum ad maximum gradum progressum est, percipitur sensus quasi lateraliter juxta oesophogi parietem descenderent alimenta. 6. Probabilitatem maximam, oesophagum ab adjacentibus glandulis comprimi, petimus ex eo, quod Cacochymia hasee obstructiones etiam in aliis, quæ visui sese præbent, partibus producens, in corpore præsens sit, qualis est strumosa, rhachitica, cancrosa, similisve.

Alia mala adjacentium partium v, g. Aörtæ aneurysmata, Pulmonum vitia, morbi Hepatis, Diaphragmatis aliorumque organorum varii, ex propriis sibi signis debent cognosci, quæ, dum in omnibus Practicorumere Systematibus enumerantur, nostra repetione non indigent.

Quando malum valde complicatum est, signa solent esse adeo consusa, ut ex hisce nihil certi Medico concludere liceat: & plerumque quidem res sese ita habet, saltem in pluribus Ægrotantibus, quos hoc morbo laborantes vidi, nunquam cer-

ta,

ta, hanc vel illam conditionem morbofam præfentem indicantia, signa me vidisse memini.

Leifellen evelier rimbeere debennis 19-Sienalum erin-

has cains coron-non carefulate resolventibus remedits : fideen CAPUT QUINTUM.

to in year felich oppingound professionalbus? Heat forwork MORBI DYSRHAGIÆ PROGNOSIN SISTENS.

Secuciosses in parties descioni on the color of the place of the

are Negative count mondes potent, it eriting all Ex-I rognosis consistit in sequentibus. Dysphagia Morbus in genere est periculosissimus, rarissime sanationem, aliquando palliationem admittens, ut plurimum autem in longum protractus lenta morte terminatur (a).

Sunt autem gradus in periculo pro diversitate atque gradu causæ constituentis diversi: dantur enim causæ, quæ certam producunt inevitabilemque mortem; dantur, quæ licet non quidem possint sanari, tamen, si recte tractentur, vitam non destruunt; possumt etiam adesse tales causa, que, minori pertinacia atque periculo stipata, jubent, ut non omnem fanationis spem abjiciamus. Videamus breviter de singulis.

S. II.

-00- TO

⁽a) Conf. Cop. II.

78 GENERALIS DESCRIPTIO.

S. I I.

Lethalem eventum prædicere debemus 10. Si malum oriatur ab oesophagi partiumve adjacentium scirrhosa Induratione; hæc enim certo non aufcultat refolventibus remediis: faltem nostris in regionibus plurimi Medici atque Chirurgi testantur, se in vero scirrho nunquam à resolventibus, licet fortioribus, remediis, tales effectus vidisse, quales nonnullii de iis scribunt. Steatomata in pectore certius quoque, & fine ullo dubio, huc spectant. 20. Neque curari morbus potest, si oritur ab Excrescentiis fungosis vel carcinomatosis in cavo oesophagi, de die enim in diem talis causa in pejus ruet, donec clauso penitus tubo, mors diu exspectata insequatur. 30. Idem periculum adest, si Spina dorsi adeo sit incurvata, ut hujus angulus parietes oesophagi ad se invicem comprimat, aliudve ejusdem vitium Dysphagiam producat. 40. Aneurysma magnæ arteriæ dyfphagiam producens raro finit, ut in longum potrahatur, sed sæpius cito, semper certo, interficit afflictum hominem. 50. Lethalem eventum declarare possumus, si oritur morbus a callofa oris ventriculi induratione, quod malum frequentissimum esse patuit ex Auctoribus supra citatis (a).

⁽a) Vid. etiam cl. VAN GEUNS L. c. p. 68. 123.

60. Fatum lethale-est, si via ciborum per talem præcludatur Saccum, qualem Briftolienfis Medicus Ludlow observavit & antea citavimus ex actis Medicorum Londinensium (a). 70. A posteriore concludere licet, in complicatione illa malorum, quam in Foemina illa, cujus morbum observavi, inque Cap. VII. describam, similibusve, nullam fanationem locum habere posse, quæcumque etiam adhibeantur remedia.

S. III.

Morbus diu potest perferri atque tollerabilior reddi ægris & palliari, fi atonia vel paralyfis fibrarum oefophagi mufcularium impedit, quo minus rite peragatur deglutitio: si enim neque stimulo remediorum roborantium neque electrico possimus prodesse, habemus instrumenta, quibus protrudere vel injicere possumus sat magnam alimentaris materiæ quantitatem, ut vita sustentari possit. Nec dubitari potest, quin dictarum antea causarum nostri morbi variæ sint, quæ possint lente procedere, aut ab idoneis remediis ita corrigi, ut per annos durent: qualia exempla varia exftant in Commentario sæpe memorato cl. VAN GEUNS, & quidem speciatim illa observatio,

quam

⁽a) Vid. Cap. III. S. V.

quam ei suppeditavit doct. STINSTRA, de Foemina quinquagenaria, topica, ut videtur, ulceratione laborante (a). In pigritia sibrarum oesophagi ab incipiente rigiditate haud parum valere poterunt resolventia, diluentia, emollientia, similiave remedia.

want mind and a strong S. I V. I am the state of the

Non autem semper spem radicalis sanationis abjici omnem debere, patet exinde, quod possint adesse cause minori progressu, violentia & pertinacia præditæ, quæ sanationem quandoque admittunt, nam sublatis causis tolli etiam effecta poterunt. Sic v. g. sanabile malum est, 1°. Si oriatur ab Inslammatione, novimus enim, omnis partis inslammationem, si in optabilem abeat resolutionem, imo etiamsi suppuratione facta abscessum formet, sanari adhucdum posse; idque uti ratio docet, ita & experientia confirmat. 2°. Si oriatur morbus a spassica oesophagi, cardiæ, vel diaphragmatis Constrictione, sanari quoque poterit: ita tamen, ut prudentissime sit cavendum etiam à levissimis occasionalibus causis, ne recidiva concipiatur; quod satis cito sit. 3°. Sanabile quoque malum est, si a non insanabili plane Intumescentia glandularum in collo

Ja-

⁽a) Vid. Acta Harlemens. Tom. XI. pag. 166.

jacentium oefophagus comprimatur; hæc enim tum internorum remediorum ope, tum applicatione cataplasmatis vel emplastri resolventis, frequenter & sere quotidie tolli solet, nec tolli certe omnino respuet, ubi compressio superioris partis oesophagi ab ea excitatur. 40. Sanationis spem habemus, si adsit talis oesophagi, vel glandularum, vel viscerum, aliorumve organorum adjacentium obstructio, induratio, aliave comprimens oefophagum affectio, quæ non fit indolis fcirrhofæ, & resolutionem ex sua natura admittat. Videmus enim, aliarum partium musculosarum ac glandulosarum indurationes refolvi posse ope remediorum resolventium, uti sunt succus Cicutæ, Antimoniata, Mercurialia, Gummi ferulacea, Aqua marina, Extracta amara &c. (a), quæ in hisce casibus adhiberi fequente Cap. apparebit. Sic in Infante ex pertinaci acido ventriculi valde emaciata, ac duro ventris tumore cum manifestis mesentericarum glandularum indurationibus laborante, bilem animalem cum Syr. Cichorei tanto cum effectu adhibui, ut, quæ ex inedia morituræ speciem referebat, puellula brevi tempore perfecte sana sit reddita, & habitus corporis ejus ita fit mutatus, ut jam multa pinguedine niteat. Cum autem adesse possint indurationes glandularum oesophago adjacentium,

⁽a) Vid. Acta Harlem. Tom. XI. pag. 112. & feqq. & pag. 231.

82 GENERALIS DESCRIPTIO.

quæ ejustem sunt indolis, sequitur, quod hisce in casibus a remediis resolventibus tempestive adhibitis idem exspectare liceat. 5° Tandem sanari poterit oesophagi obturatio, si producatur a Corpore heterogeneo deglutito, & accedat statim Chirurgus dexter, qui pro ratione conveniente illud ulterius in ventriculum propellat vel extrahat sursum.

CAPUT SEXTUM.

DE CURATIONE DEPULSIONIS ALIMENTORUM
IMPEDITÆ.

S. I.

Medicus ad fanandum Dysphagiæ morbum vocatus in omni Ægrotante nec potest nec debet eodem procedere modo, sed diversimode agendum ipsi est, prout varia constitutio corporis, morbi duratio, symptomatum numerus & violentia, caufarum diversitas, virium ratio, aliæve accidentales conditiones postulabunt. Statuimus autem, ne omnium illorum Indicantium examine in nimium extendatur hoc Caput, in omnibus in genere Curam sequentibus Indicationibus absolvi posse, ita ut nunc hæc, nunc illa vel altera, in Ægrotis adhibeatur.

I^a· Jubet ut tollatur Causa Depulsionis alimentorum impeditæ proxima; II^a· Ut, si non possit hæc tolli, mali progressus prohibeatur, & corporis vires sustententur; III^a· Ut symptomata molesta & urgentia mitigentur, & Vita, quamdiu sieri Arte potest, conservetur.

The second commence of I I.

Primæ Indicationi fatisfit, fi removeantur caufæ remotæ angustationem oesophagi nimiam producentes: quum autem hæ admodum sint diversæ, diversa quoque requiritur medendi methodus ut spartam nanciscamur: quem in sinem in hac s. breviter hasce exponam, quatenus accommodari possint ad varias istas Dysphagiæ species, quas in ultima s. Cap. V. vidimus non omni sanationis spe destitui. Quum vero ab Auctoribus antea laudatis hæc res sedulitate & accuratione magna suerit tractata, B. L. a me non multa exspectabit, quæ eorum laboribus adjici possint, & brevitatem me amplexum suisse, facile excusabit.

A.) Si ab Inflammatione oefophagi angustia producatur, antiphlogistica tota cura esset debet, modo ne talia adhibeantur, quæ directe parti assectæ applicata suo stimulo nocent, quare nitrosa, acida, falina, in aliis inflammationibus tam utilia, hic interne non possunt in usum vocari. Verum post venæsectio-

84 GENERALIS DESCRIPTIO.

nes in brachio, pro intensitate inflammationis atque constitutione ægrotantis, audacter repetitas, conveniunt illa, quæ diluunt, demulcent, humectant & fenfilitatem affectæ partis moderant, uti sunt Linctus, Decocta, Julapia mucilaginosa & leniter refrigerantia: quum autem sæpius fiat, ut nulla penitus medicamenta ingerere possint ægrotantes, in externis remediis folamen quærere debemus, inter quæ potissimum conveniunt Cataplafinata emollientia & refolventia dorfo applicata, ad illum locum, ubi dolor fentitur, vel Fomenta aut Emplastra eidem scopo inservientia. Si autem occasio sit instituendi Balneum calidum totius corporis, capite excepto, nullum scopo melius respondens, quam hoc, putaverim remedium; aperiuntur enim ejus efficacia pori inhalantes, humores diluuntur, & refolvuntur spasticæ quarumcumque partium constrictiones. Si autem huic non datur aptus instituendi locus, per Clysmata diluentia, resolventia, saponacea idem præstare conabimur, quæ tum etiam primario conducent, quando, propter summam Oesophagi inslammati sensilitatem, nulla, vel non sufficientia, ingeri poterunt Remedia Antiphlogistica. Sed omnibus hisce absque successu tentatis, Vesicatorium in usum vocandum est, & ad dorsum applicandum, ut hoc vi sua resolvente ac revellente idem præftet ac in aliis inflammationibus internis, in quibus falutares suos effectus toties exferuisse observatum est Practicis non nimium meticulosis & male prudentibus.

Sique hæc omnia nihil juvent, & ad Suppurationem inflammatio transeat, quod ex remittentibus quodammodo febre atque dolore, & permanente (si non aucto) angustationis sensu, cognoscitur, omnia conveniunt, quæ ad maturationem atque rupturam abscessus aliquid conferre possunt. Ubi ruptus fuerit abscessus, & pus ex corpore eliminatum, in id laborandum est, ut ulcus curetur: interim quoque spasmi, pro quorum majore vel minore efficacia etiam dyfphagia gradu multum differt, compescantur talibus remediis, quæ illis opponi solent, adjunctis fimul, que ulcus depurant, & ad ejus confolidationem faciunt. Communicavit mecum Celeb. OOSTER-DYK, fefe in tali cafu cum successu exhibuisse Mixturam anodynam & fubadftringentem sequentem in paroxysmo, Ro. Aquæ Naphæ 3 ij. Tinct. Croci 36. Laud. pur. gr. j. Mell. Rofacei 3 iij. M. fubinde ad parvum cochlearculum affumendam; & extra paroxyfmum exhibebatur fequens remedium, R. Mell. Rofac. Zjis. Gumm. Arab. Zj. Myrkh. Elect. Dj. Cort. Peruv. Elect. 3 iij. Syr. Rosar. rubr. q. s. M. fiat Electuarium accurate mixtum, cujus omni hora, vel quovis bihorio, parvum cochlearculum affumi debebat.

Si vero exitus Inflammationis fuerit in Indurationem, multa moliri non debemus, ne absque fructu ægris plus incommodi & noxæ quam emolumenti afferamus: sed emollientibus atque humectantibus progressui mali istius prospiciendum est, cavendo fedulo ab omnibus calidis, acribus, ftimulantibus, adftringentibus, frigidis, gelidis, quæ affectam partem irritando facile ad callofam, fcirrhofam, imo cancrofam indolem morbi producendam contribuerent.

- B.) Spastica oesophagi Constrictio pertinax sæpe & curatu dissicilis est impeditæ Depulsionis causa, & eo quidem frequentior, quo sensibilior est tubi alimentaris tota substantia sibrosa admodum & nervosa, quoque ideo magis plerisque oesophagi affectibus sese ut symptoma adjungit (a). Ut hæc sanetur, tolli debent causæ, quæ spasmum produxerunt: quod pro eorum diversitate vario modo tentari debere per se patet. Cæterum ab Opiatis, Antihystericis, Fomentis, Cataplasmatibus & similibus (b) præcipuum auxilium exspectamus: dum in plenaria præclusione, ad qualemcumque corporis nutritionem suggerendam, Clysmata nutrientia non sunt omittenda.
- C.) Simili modo procedendum est in cura Paralyseos oesophagi: sollicite præterea inquirendæ sunt ejus causæ, & cognitæ hæ quovis meliore modo corrigendæ, dum per stimulantia Roborantia (c), intus assumta atque extus applicata, nec non per stimulum electricum, oesophagi pristinus tonus instauran-

dus

⁽a) Conf. Cap. 11.

⁽b) Vid. Ad. Harlem. Tom. XI. pag. 111. & 163.

⁽c) Vid. Act. Harlem. Tom. XI. pag. 110.



combinatio variorum illorum Refolventium laudari meretur, qualem Celeb. v. doeveren in Juvene, ex hac causa depulsionem impeditam habente, cum successu adhibuit, scilicet Mercurium cum succo inspissato Cicutæ & Sulphure aurat. Antim. (a). Majorem adhucdum essicaciam exspectat cl. plenckius ab usu Mercurii vivi cum Gummi Arabico soluti, & sorma liquida præseripti, qui etiam in Ægra nostra suit adhibitus (b). Externæ etiam frictiones Mercuriales optimo cum successu adhiberi possunt (c).

E.) Si ab aliis adjacentium Partium morbis non infanabilibus oefophagi angustia producatur, uti glandularum collo adjacentium Pulmonum, Aortæ, Diaphragmatis, Hepatis &c. pro varia eorum indole, & diagnosi, quam rationalis de illis format Medicus, cura etiam varia erit instituenda. Persecte sic in sanitatem restituere mihi contigit virginem robustam rusticam, quæ pulchra corporis habitu gaudens animi tistitià, propter depulsionem læsam ab intumescentia & induratione glandulæ ad latus laryngis intra duas menses valde emaciebatur; ita ut pristinæ formæ plane absimilis esset, adposito emplastro mercuriali atque intus exhibitis remediis resolventibus modo

lau-

⁽a) Vid. Obf. penultimam.

⁽b) De quo tamen conf. Cl. A. P. NAHUNS in Ad. Harl. T. XI. p. 232.

⁽c) Vid. IDEM L. c. p. 234. ut & Cl. Præceptor sandifort in Natuur en Geneesk. Bibl. p. 245. & legg.

laudatis, detumuit glandula, mollior fiebat & tota evanuit cum impedimento depulfionis, ficque fatis cito habitus melior factus est, & pulchritudo rediit.

F.) Si a Corpore heterogeneo deglutito atque in oefophago hærente via intercipiatur versus ventriculum, convenit venam fecari, si metus adsit instantis vel præsentis inflammationis, haustuque repetito Aquæ, aliusve potus, aut & Olei, tentari, num versus ventriculum, ope talis vehiculi, deferri possit: quod fi non fuccedat, Ars Chirurgica in auxilium erit vocanda, ut illud apto modo extrahatur: & si non statim possit extrahi, debet versus ventriculum protrudi methodo, que exhibetur cum delineatione instrumenti in Actis Edinburgensibus (a). Si autem nec una, nec alia, operatio (quam cautissime instituendam esse jam supra inculcavi) successum habeat, denuo multum boni præstabit copiosa assumtio Olei lini vel olivarum aliusve blandi liquoris, ut relaxetur tubus & lubricus fiat, atque fic ulterius descendere possit Corpus ei inhærens (b). In canibus etiam operationem oesophagotomiæ tentavit Cl. GUATTANI atque fæpius illam cum fuccessu in-

⁽a) Vid. Medical Esfays Tom. I. §. 16. conf. Comment. hac super re exp. HEVIN in Memeir. de l'Acad. R. de Chirurg. Tom. I. & cl. GUATTANT in Eod. Op. Tom. II. nec non BAUVé ap. LENTFRINK Geneesk. Tydschrift IV. Deel pag. 53. & Journal de Medicine Tom. XXXI.

⁽b) Vid. SANDIFORT Biblioth. Tom. VII. p. 250. & fegg.

90 GENERALIS DESCRIPTIO

ftituisse, nunquam vero in homine testatur (a), & quamvis propter ingentem numerum arteriarum atque nervorum periculosissima sit habenda hæc operatio, si tamen omnia cetera nota molimina irrita sunt, & æger præ corpore hæterogeneo in oesophago hærente certam vel præ inediæ aut sussociationis metu mortem expectat, non penitus rejicienda mihi videtur, cum aliquando essectu cum sperato institutam in tali casu illam legimus, nempe a Cl. goursand in homine qui os pollicem longum & sex lineas latum in oesophago institum habuit, & etiam a Cl. roland post inutiles deprimendi conatus eodem cum successi peracta suit (b).

bus (1) is sured one oil I Localin operato (quin con-

Ut Secundæ Indicationi (§. I.) fatisfiat, cavendum est a causis occasionalibus, quæ antea malo ansam præbuerunt. Ne affectæ ergo partes irritentur, & malum in pejus ruat, abstinendum erit a cibis durioribus, asperis, fervidis, valde acidis, austeris, ab omnibus acribus, similibusve, a vino rubro auste-

TO-

⁽a) Vid. Memoires de l'Academie Tom. III. pag. 13. & BERTRANDI Tract. Chirurg. Tom. II. pag. 426. vid. Comm. Lypf. dec. 1. Vol. VIII. pag. 22. & corundem Comment. Lypfi. Supplem. II. pag. 671.

⁽b) Vid. Comment. Cit. Tom. VIII. psg. 197.





minus quam ex specimine in ultima observatione allato concludi facile potest, qui rem non ex opinionibus sed ratione contemplatur, a refolventibus blandioribus in iis casibus ubi ipsum oesophagum, five excrescentiis internis, five excoriationibus, five induratione tunicarum affectum putamus, optimum effe præsidium, æque in initio ac in progressu malorum; exulare ergo multa debent remedia ab aliis commendata, quæ stimulando aut rodendo partes adeo fenfiles plus damni quam emolumenti adferunt, aquam calcis, aluminis folutiones & alia ejus generis nunquam exhibeo, falia ipfa alcalina dum necessaria judico, involvo ne directe partem adfectam irritent, fuccum infpiffatum Cicutæ cum Gum. Arab. & Syr. Altheæ Cochlearibus parvis sæpius propinatum forma linctus, diu ad partem adfectam hæret, demulcet atque fua vi refolvente & antispafmodica, de quâ postea videndi nobis erit occasio, lente agendo multum boni præstat, dum Mercurialia optimum præstant effectum, si glandulæ induratæ, absque ipsius tali substantiæ degeneratione, in causa depulsionis impeditæ sunt.

- interest cimirate dell'amination dell'amination de la prince and

CAPUT SEPTIMUM.

CONTINENS QUATUOR OBSERVATIONES PROPRIAS,

NEC NON FIGURARUM EXPOSITIONEM.

Observatio I.

Mulier trigesimum & octavum annum agens, habitus corporis modici, temperiei cholericæ, sex infantum mater, quorum bis gemellos pepererat, bis unicum enixa fuerat, prospera fere semper valetudine fruens, anno 1777. incepit queri de summis in ventriculo doloribus, ingrato derasionis sensu sese manifestantibus, & ad transitum cibi potusve valde exacerbatis. Cujus mali solatium a Celeberrimo Medico quesivit & tum feliciter quoque obtinuit; per aliquod tempus libera difficilibus hisce symptomatibus.

Anni vero proxime subsequentis mense Junio, obstaculum bolo per oesophagum propellendo, ad palmæ supra cardiam altitudinem percipere coepit, & cibos in ventriculum modo transituros sæpe multo muco mixtos rejicere: in genere quidem omnia dissiculter transibant solida, sed inprimis tamen farinaceis, ut pani & fabis (quas eo anni tempore copiose come-

CAPUT

de-

dere folebat,) ulteriorem descensum negabat obstaculum. Malo hoc sensim adaucto molestias jam tunc summas patiebatur,
ita ut iterum ad eumdem Medicum consugeret, qui resolventibus remediis actionem tubi alimentarii tantopere emendavit,
ut, sine magnis conaminibus, facile cibos assumere & ad officinam digestoriam transferre posset.

Ejuschem iterum anni autumno nostra alio morbo ægrotavit: cujusnam autem ille suerit indolis, mihi non constat, quum alius tune Medici consilio suerit usa, & ipsa Foemina ejus symptomatum suerit immemor, hoc tantum sibi in memoriam revocans, quod post ejus sanationem per aliquod tempus oesophagus promptius suo ossicio sungebatur, multo facilius cibos versus ventriculum ire permittens, ita ut molestum malum penitus eradicatum esse crederet.

Verum postea caput iterum efferre pristinum malum coepit, & majores Miseræ creare molestias, ita ut, postquam ejusdem Medici consilio sine fructu satis diu suerat usa, jam tertia vice sese Clarissimo Præceptori van doeveren, qui hanc Observationem faciendi mihi ansam suppeditavit, obtulerit. Multo deterior quam olim nunc erat Ægrotantis status: nulla enim nunc supererat solidos cibos depellendi facultas, continua cum multo humore spumoso mucoso assumtorum regurgitatio, post prægressas summas anxietates, cum solitis signis, quæ Dysphagiæ sacilem sistebant diagnosin. Unde præter remedia

nonnulla, ex urgente indicatione ipfi præfcripta, necesse erat Ægræ suadere, ut solita sua corpori non proficua, maloque suo potius adversa, omitteret alimenta, atque usu lactis jusculorumque carnis tenuium cum farinaceis mollibus coctorum vires & vitam sustentare tentaret.

Quamvis maxime debilitata, tot & tam diu fymptomatibus pressa, valde cacochymica jam facta parvam vel nullam sanationis spem relinquere jam tum videretur, Indicationem tamen secundam, antea propositam, sequi placuit, & tum ope dictæ Diætæ, tum Refolventium remediorum tentare, num vita Ægrotantis, quamdiu liceret, protrahi posset. Itaque præscriptæ in his rerum angustiis fuerunt parvæ Pilulæ ex succo inspissato Cicutæ, Sulphure Antimonii aurato, talique Calomelæ dofi, ut falivatio a Mercurialis remedii ufu haud facile metuenda esset, jussumque, ut vel integras, vel lacte aut jusculo solutas, deglutiret illas Pilulas, & sic effectum, ut in corpore retinerentur, atque ventriculi cavum attingere, ejusque actionem subire ex possent. Interposita quandoque, prout symptomata & querelæ dictabant, fuere analeptica, leniter cardiaca, antispasmodica, palliando potius quam morbum sanando destinata.

Licuit mihi ab hoc tempore cum cl. Præceptoris venia Ægram nostram coram examinare, domi suæ visitare, deque ejus statu sæpius renunciare & sermones cum Eo conferre. Dicta sub diæta, & debite memoratis adhibitis remediis, aliquamdiu satis manserunt vegetæ vires ad tertium usque mensis Martii diem, a quo tempore violentia mali maximopere increvit, & in pejus abierunt quæcumque morbi symptomata: tunc nempe multo aëre distentus ventriculus magnas creabat anxietates, inque slatuum eructatione acerbissimos producebat dolores: invadebat & tunc simul febris cum pulsu parvo valde contracto & universali corporis summa debilitate: si quid ingerere conaretur, hoc jam transitum dissicilem in collo offendebat, quo in loco antea nullum perceperat angustationis sensum; præter hunc autem, etiamsi quiesceret ab actione tubus, continuo ibi loci aderat pressionis sensus, quem a muco inspissato atque in oesophago hærente produci illa credebat, dum extus ad oculum vel tactum nullus detegi poterat tumor.

Proxime insequentibus diebus omnia remittebant symptomata, vires erant constantiores, sed fames insignis ægram vexabat: unde ad solidos cibos appetitu serebatur, & sumsit srussulum panis, quod magnis moliminibus & corpore prono deglutire coacta fuit. Unde non tantum maximopere fuit satigata, sed partibus affectis tantam quoque intulit vim, ut post meridiem cum copioso muco etiam quamdam sanguinis quantitatem evomeret, postque vomitum sebre ac animi deliquio corriperetur: utebatur porro resolventibus, inprimis prudens usus siebat Cicutæ cum Calomela & Sulphure aurato Anti-

Simul ac nune lactis aliusve fluidi paulo majorem sumeret copiam statim illud revomuit, commixtum particulis grisei coloris, odoris obscuri, subacidi, qui odor in rejecto muco, cui & interdum intermixtus erat sanguis, magis percipiebatur manifestus, & caseo corrupto similis; si quid assumtorum parva simul quantitate ingereret, hoc perveniebat nequaquam ad ventriculum, sed restabat ad locum affectum, ibique summos cruciatus excitabat, cum anxietatum & deliquiorum continuo incremento: omnia denique mortem instare certissimam indicabant, quam clysmatibus nutrientibus, quantum fieri posset, differre tentatum suit: sed eorum applicationem repudiabat Ægrota, mortem præferens miserrimæ vitæ conditioni. Dolor interim quoque per totum corpus erat dissus, inprimis

vero in femore dextro tam dolorifica fuit fenfilitas, ut adtactum integumentorum fine clamore non ferret misera, dum extrinsecus nihil appareret, nisi quod magis esset emaciatum quam finistrum femur.

Perrexit nunc continuo eructare materiem caseo corrupto similem, cum dolore magno & foetore molesto, putansque pulmonum suorum substantiam sic excreari hisce ipsissimis verbis mortem instantem indicabat, Ik voel dat ik myn long reeds uyt spuwe: nihil nunc amplius affumens, cum leviuscula febre, per triduum adhuc jacuit, specie mortuæ vivens, donec die 140. Aprilis 1779. placide exfpiraret.

Die 156. Aprilis vespera, trigesima sexta circiter post mortem hora, cadaver examinans cum clarissimo PRECEPTORE variisque Sociis, inveni in colli dextra parte, supra claviculam, catrotidem inter & asperam arteriam, induratam Glandulam, habentem cartilagineam fere duritiem, circiterque ovi columbini magnitudinem (Fig. I. & II. g. Tab. VI.): hinc usque ad septimam dorsi, a superioribus numerando, vertebram oesophagus flaccidus erat, collapsus, sed ultra solitam dimenfionem dilatatus (h); hanc autem circa vertebram nova detegebatur durities & inspissatio, que ipsum occupare oesophagum apparebat (k).

Cum pulmonem dextrum, a posteriore parte quodammodo pleuræ accretum, manu finistrorsum reclinare conabar, vi illa,

N 2

utut levi, folvebatur adhæsio non tantummodo, sed laceratio siebat, & ex foramine sic sacto mox erumpebat materies albo-cinerea, spissa, grumosa, lac corruptum odore & habitu plane referens. Præsentiam vomicæ illo in pulmone suspicans per sactam aperturam immittebam digitum, & revera inveniebam saccum medio in lobo, amplum, dicto magmate repletum. Deinde prudenter digitum volvens revolvensque, ut de exstensione ejus sacci judicarem, alterum ossendo foramen (i, i, k.) & per quod intrans digitus ipsissimam materiem ossendit. Sublato post hæc pulmone vidi, quemadmodum ex dictis prævisum erat, patulam ex oesophago in incumbentem pulmonem suisse viam: neque recenter sacta videbatur hæc communicatio, quum margines dictam aperturam cingents essent valde scabri, inæquabiles, incrassati, & viderentur etiam esse gangrænosi.

Infra hanc degenerationem oesophagus, parum inslexus, ad longitudinem trium fere digitorum transversorum (11.) eamdem servabat duritiem, & ibidem tantopere per tunicarum spissitudinem diminutam habebat suam capacitatem, ut calamum scriptorium vix transmitteret. Ulterius vero malum non extendebatur, prope cardiam etenim nullus tumor, nulla induratio, nihilque a statu naturali alienum apparuit, nisi insolita tubi oesophagei, quemadmodum reliquarum etiam partium, slacciditas (m.).

Præterea & hoc notandum, pulmonis dextri fuperiorem partem hic & illic exhibuisse puncta albida, ejustem coloris ac erat materia in ipfo pulmonis facco præternaturali contenta: inferior ejus pars nihil vitiofi exhibebat, præter levem ad pleuram adhæsionem. Sinister pulmo integer erat sanusque, & ab omni morbofo nexu immunis. Tandem in cavo thoracis & pericardii infignis aquæ foetentis, fuscique coloris, quantitas erat conspicua-

In cardia nihil notabile invenimus. Neque ventriculi parietes erant indurati, fed in ejus curvatura superiore, inter cardiam & pylorum ad finistram magis quam dextram partem, habebat glandulam induratam, fuperius memorata non multo minorem, ejustem duritiei ac coloris (vid. Fig. III. Tab. VI.): adjacebant & huic corpufcula graniformia etiam dura. Cæterum ventriculus erat extenuatus & membranæ pellucidæ similis, adeoque fragilis, ut fine laceratione a digitis aut volfella arripi vel tractari vix posset, & continebat aquam turbidam fusci coloris. Intestina omnia tenuia & crassa in naturali situ posita, itidemque valde extenuata, continebant scybala durissima nigra: vesicula fellis, uti in inedia exstinctis fieri solet, magna erat, & bile turgidissima: hepar autem, & cætera organa, quæ in abdomine continebantur, naturaliter constituta erant quoad mechanismum, sed valde flaccida, extenuata & mollia. Sant sent a representation of lar-old thoroget

102 OBSERVATIONES ANATOMICO-

Totum denique Corpus valde emaciatum & quidem inprimis dextrum femur: in diffectarum partium vafis vix ullus obfervabatur fanguis, ita ut fectio hujus cadaveris fere incruenta fuerit.

Partes morbofas defineandas curavi in Figuris Tab. VI. huic Differtationi adnexis, inque fingularis rei fidem eafdem in liquore spirituoso conservandas esse putavi.

Ex quibus patet, Ægram nostram, durante misera sua vita, non tantum vera Dysphagia laborasse, sed etiam, ex concretione morbosa Pulmonis, assectione peripneumonica & insequente vomica; unde sanguinis excreatio, variæ materiæ & speciatim cremoraceæ rejectio, & multa alia memorata symptomata explicari facile queant.

· Observatio. I I.

In cadavere Infantis quinquennalis (quod pro anatomicis exercitiis acceperam, fed de cujus historia morbi mortem prægredientis nihil rescire potui, adeoque nihil etiam exponere queo) aperto Thorace, vasa ejus præparandi scopo, paulo supra cordis basin, juxta latus dextrum asperæ arteriæ (Fig. IV, d. Tab. VI.) percipiebam tumorem quemdam durum, qui tantopere versus anteriora prominebat, ut divisio venæ cavæ superioris inde valde comprimeretur & supra tumorem eum esset

esset distensa, magis quam naturaliter esse solet. Pulmo dexter variis locis indurationibus laborabat, cujus etiam portio relicta est in objecto, quod in Spiritu Vini conservo (e). A parte anteriore autem quum nihil amplius conspici posset, eximebam omnia viscera thoracica: tum quoque a posteriore idem apparuit tumor comprimens pro parte oefophagum (vid. Fig. V. d. f. Tab. VI.) non autem omnis hinc intercipiebatur a faucibus ad ventriculum via, nec Dysphagiæ effectus in vita Infantis adfuisse videbatur, quoniam habitus corporis magnam emaciationem non monstrabat.

- Adduxi autem hanc Observationem, ut inde pateat successivus ille molestæ Depulsionis gradus, induratæ enim talis glandulæ moles identidem perdurantibus causis mali, major fieri folet: si ergo hæc glandula in respiratione (nam dexter pulmoinde plurimum comprimebatur) & circulatione turbas non tantas excitasset, & infans hicce aliquod tempus adhucdum vixisfet, probabile est, quod capacitas oesophagi magis magisque inde imminuta & Dysphagia tandem producta fuisset.

Observatio. I I I.

Liceat mihi ex propriis Observationibus Anatomicopathologicis etiam fequentem hic apponere, quæ ad illustrandum morbum; quem in hac Dissertatione tractavi; mihi quoque aliquid conferre posse videtur. Juvenis viginti circiter annorum elapía hieme moriebatur anxietatibus validis & fummis ad præcordia doloribus. Aperto cadaveris thorace Pulmones, multo magis quam naturaliter versus latera erant repressi per tumorem magnum in medio pectore apparentem, extus habentem formam masse pinguedinose, ingentis magnitudinis. Ulteriore vero examine apparuit, illum esse pericardium valde degeneratum, quod ad basin cordis erat admodum durum, & pressioni digitorum non cedens. Juxta hunc tumorem manum versus inferiora ducens, percepi amplum faccum propendentem inter Pulmones, usque ad spinam dorfi: quo aperto, effluxit quantitas magna materiæ spissæ purulentæ, coloris subflavi viridescentis, inodoræ poenitus. Cordis exterior superficies obducta erat membrana, ex inspissato pure constante, inserente etiam se inter sibras. Pulmones naturaliter erant constituti, sed versus costas repressi. Inferior pars Oefophagi, cum superiore Ventriculi, ruberrimum habebant colorem ibi loci, ubi faccus his incubuerat, & inflammationem paffæ videbantur: inferior ventriculi pars biliofa materie valde tincta erat, & cavum ejus atque intestinorum tenuium cibis & chylo vacuum, dum in crassis scybala quædam duriora, pauca tamen, conspiciebantur.

Dolui, me nihil de decursu morbi ejusque symptomatibus seire potuisse, nisi quod anxietatibus summis, & magnis circa

præcordia doloribus, ante mortem Defunctus adfectus fit: videtur tamen concludendum ex cadaveris inspectione, in vivente ægroto depulfionem alimentorum impeditam & interceptam ex dicta causa fuisse, si adtendamus ad pressionem mechanicam facci purulenti, & ad ejus effecta, scillicet inflammationem partis compresse & absentiam materiæ alimentaris in ventriculo atque intestinis tenuibus.

Observatio. I V.

irgo quædam quadraginta & quinque annorum, habitus robusti, & modestæ vivendi conditionis, cui menses per anni spatium jam fluere cessaverant, denuo parva sanguinis ex genitalibus evacuata quantitate fluxum nullum postea experiebatur: fana tamen erat: donec versus finem anni 1779. corripiebatur fensu difficilis alimentorum descensus prope cardiam, qui fenfim adaugebatur: utebatur tum confilio soliti sui Medici Doetissimi pelgrom, verum quum juxta ægrotantis opinionem malum eo non fatis cito cesiaret, (uti in hoc morbo frequentissime sit) adiit medicastrum, qui ægrotanti pollicebatur, se intra breve tempus iftius malum fanaturum: Præscripsit eo scopo arcanos aliquot pulveres, quos partitis vicibus assumere debebat; quo facto non adeo faustus fequebatur eventus, nonnullis enim horum pulverum affumtis correpta fuit hæc ancilla

anxietatibus violentissimis, & vomitu dolorisico, quæ symptomata per quatuor horas & ultra durabant, nequaquam etiam cum decremento mali in oesophago, quare residuis, quos habebat, redditis pulveribus, atque solutis, quibus usa fuerat, hunc hominem reliquit, & meliore usa consilio adiit celeberrimum medicum & medicinæ tunc temporis Leidæ Professorem nostrumque simul Præceptorem van doeveren, qui mali indolem ab obstructionibus & forte indurationibus in oesophagi vel ei adjacentibus glandulis derivans, a resolventibus auxilium petiit & præscripsit sequentem formulam.

Ro. Succ. inspiss. cicut. Veræ 36.

Calomel 36.

Sulph. Antim. Aurat 3j.

f. Pil. vs. CXX.

Quarum sumat mane & vespera duas pilulas, & quoniam non raro malum augeri cernebatur a constrictione oesophagi spasmodica, morbum comitante, nec non dolorosa ejustem organi affectione, simul data ægrotæ suit mixtura hæc omni bihorio vel pro re nata & urgente necessitate cochleatim assumenda, pro mitigandis hisce querelis.

Pulv. Castor. gr. viij.

Laud. Liq. Sydenh. gtt. xij.

Syr. Artemisiæ zj.

M

Salutares, quos ab usu horum remediorum experiebatur effectus, mecum fovebant spem, fore ut ad perfectam sanitatem duceretur.

Quum autem tempus protractum & patientia fumma ad hæc requirebatur, jam verebar, ne & hæc ægrota quamvis levamen fentiret, plurimorum exempla fequeretur, & plebiculæ vel anus cujufdam confilio fefe traderet, aut moræ impatiens, aptissimorum remediorum usum non satis diu protraheret, ut malum his superari possit.

Pilulis hisce resolventibus atque mixtura antispasmodica usa fuit usque ad 15. Julii indies sese ab hisce remediis melius habens: tunc autem consilio Clarissimi Præceptoris ad me, qui initio hujus mensis in Urbem patriam Lugdunis Batavorum, praxin Medicam exercendi causa, reversus eram, accessit, questa de nauseis atque vomituritionibus, a pilulis matutina hora assumtis, quæ vomituritiones etiam dolorem aliquando in affecta parte excitabant; quum hæc jam sæpius inde suerat passa, abhorruit eo tempere a forma pilulari & a me petiit, nonne eadem remedia forma mixturæ sibi præscribere possem: quum autem hæc phoenomena potius præparato antimoniali quam formæ pilulari tribuerem præscripsi seq. mixturam.

0 2

R. Aq. Meliss. z viij.

Gumm. Arab. 3 j.

Succ. insp. Cicutæ 3 j.

Merc. Vivi 3 s.

Syr. Altheæ z j.

Exacte. Misceatur

Ut hinc ante meridiem partitis vicibus tria Cochlearia sumeret, dum in usu pilularum a Cl. Prosessore van doeveren
præscriptarum ad vesperam pergeret, quas eo tempore ventriculus quoque serebat, certe quia stimulus remedii Antimonialis
sæpius nauseam excitare soliti eo tempore ab alimentis de die
assumtis magis involvebatur, dum mane vacuo ventriculo directe
parietibus applicatus majores edere deberet essectus.

Ab hisce medicaminibus multum videbatur morbus minui, quum non fluida tantum alimenta, sed etiam solida, panem butiraceum, carnes vitulinas aliaque id genus commedisset juxta proprium testimonium sine molestiis.

Tertio autem Septembris querebatur de alvi constipatione, que tamen actionem oesophagi non multum impediebat, soluta enim facile hec suit electuario leniter laxante ex pulpa Cassiæ, Manna electa & Oleo Amygdalarum dulcium.

Ejusdem mensis 170 patiebatur dolores vehementes ad partem affectam, quos sponte exortos pronunciabat, suspicabar autem illam, quum vegetus eo tempore esset appetitus, aliquid comediffe, quod ipfa fibi noxium putaret, & hanc caufam celare voluiffe, propter ferias cautelas, quas in præfcribenda diæta illi impofueram, adeoque non nifi palliativam medicinam adferre hic potui; ut igitur mucus derafus recuperaretur & fenfilitas partis minueretur præfcripfi mixt: feqq:

Rp. Aq. Flor. Rhoead. 3 vj.
Gum. Arab. 3 ij.
Laud. Liq. Syd. gtt. x.
Syr. Flor. Rhoead. 3 j.

M

Effectus hujus remedii expectationi quam optime fatisfecit; Nam ab ejus ufu optime fese habuit, imminutis doloribus & eesophago alimenta molliora transmittente.

20. Vero mensis subsequentis Octobris a magno & protracto refrigerio, cui sese dederat, incidit in sebrem quotidianam intermittentem, cum alvi constipatione, & oesophagi majore coarctatione (non tamen ita, quin lac, in quo frustula panis essent macerata, posset deglutire,) summa tamen aderat virium prostratio; post tres quatuorve paroxysmos autem aperientibus & leniter eccoproticis cedebat hæc sebris, dum relicta virium prostratio consortante mixtura aliquoties repetita corrigebatur seliciter.

Post incidentem hunc morbum omnia fastidiebat remedia, perhibens se nunc vix ab oesophago laborare, satisque selicem

& contentam fore, si in tali statu maneret, & quamvis mille modis ei de necessitate usum medicamentorum resolventium protrahendi persuadere conarer, neglecto tamen omni consilio, ab hoc destitit, & licet post illud tempus malum sensim caput iterum extolleret, atque confanguinei fæpius exhortarentur, ut medici auxilium imploraret, non ante tertium diem mensis Aprilis subsequentis anni 1781. ad me accessit, quum materies purulenta, jam bis etiam fanguine tincta, & foetore admodum ingrata, ore rejecta fuerat, quæ rejectio violentissimos cruciatus & enormes produxerat dolores; dum fimul hoc tempore angustatio oesophagi in tantum erat adaucta ut transitus etiam fluidissimis quandoque negaretur; nondum mortem instantem minantis periculi gnara, ab alvi constipatione hæc fymptomata produci credidit, & alebat fpem, remedio laxante sumto, has molestias iterum superatum iri; ex memoratis autem mea indicatio fuit palliativa, atque operam dandam effe credidi, ut partes adeo irritatæ oblinirentur, ut vires adeo his torminibus fractæ refocillarentur, & alvus clausa leniter ope clyfmatum folveretur; horum autem, per diuturnitatem morbi morofa facta, nolebat permittere applicationem, quare feq: Redio factæ indicationi satisfacere tentabam.

R. Extr. Cort. Peruy. 3 j. Bol. Armen. 9js. G. Arab. 3 js. Puly. Rhei El. A ij. Syr. Flor. Rhoead Z ij. ANTHONY OF THE PARTY OF THE PAR

s. quovis semi horio Cochlearculum.

Sperans fore ut, si hisce symptomatibus levamen adferre mihi contingeret, eo tutius ad refolventium remediorum ufum redire possem, & in tantum meo scopo satisfactum vidi, ut dolores cessarent, & vires eo usque resurrexissent, ut res domesticas posset peragere, alvus tamen nondum satis solvebatur.

- 80. Aprilis, quum sese fatis bene haberet respectu status in quo paulo ante versabatur, libera enim a doloribus, fluidiora alimenta affumfit, iterum remedia ante memorata relicto Sulph. aurato Antimonii præscripsi absque sperato tamen succeffii, nam
- 13° Aprilis incepit muci tenacis, quam ante hoc tempus non notabili copia reddiderat, ingens & molesta excretio, nullo tamen intermixto fanguine aut corrupta foetente materia, neque etiam comitantibus doloribus ut ante, fensim tamen increscente angustatione tubi & alvo non nisi clysmate provocando.
 - 23. Ejustem mensis ne guttulam aut medicamentorum antifpaf-

spasmodicorum aut resolventium & nequidem blandissimorum potulentorum admisit oesophagus, quin mox cum assumtis eructabat ingentem muci atque materiæ corruptæ sanguine commixtæ, quantitatem, pressa simul ingentibus anxietatibus, lingua erat arida prærubra, & coacta erat os resrigerare collutione vel lactis ebutirati vel emulsione Amygd: & Sem: Frigid: cum Sp: Vitrioli ad gratam aciditatem; alvus penitus silebat, & vix ope clysmatis semel provocari poterat; nutrientia, quæ applicari curabam non retinebat, & erat semper in quasi animi deliquio, ad alloquium autem vel meum vel consanguineorum mentis præsentiam semper monstrabat, sed debilissima admodum, dum vires non erigendæ videbantur, quam per molestissimum muci sputum, quo sacto magis iterum erant collapsæ, donec septimo Maji mors inevitabilis hisce miseriis sinem imponeret.

Cadaver, quod rogatu confanguineorum octavo Maji examini anatomico lubenter fubjeci, fequentia exhibuit.

Externe corporis forma fignificabat notabilem emaciationem respectu habito pinguedinis, quâ ante morbum nitebat hæcce virgo; Incisa autem integumenta nondum omni adipe erant destituta musculis satis firmis rubicundus erat color, hisce a sterno & costis separatis, omnes cartila ines in osseam plane naturam conversos offendebam, que mutatio non facilem laborem pariebat in aperiendo thoracis cavo: quo tamen aperto

& reclinato cum sterno mediastino, pulmones & cor naturaliter constituta inveniebam, æque respectu fabricæ ac situs, præterquam quod dexter pulmo pro parte pleuræ accrevisset; ab utraque jam latere manu pulmonem ad tollens digitis oefophagi tumorem & indurationem in medio thorace detexi, pulmopum tamen fitum immutatum relinquebam & priufquam hofce loco dimoverem, feparavi mufculos anteriores ac laterales colli a larvnge, cujus cartilagines cricoideam & thyreoideam, adeo induratas inveni, ut cultro anatomico descindi haud possent, dum glandula thyreoidea fanam monstrabat fabricam.

A superiore parte incipiendo laryngem asperamque arteriam fensim ab oesophago separabam, qui a pharynge usque ad tertiam dorsi vertebram, integer erat, inde vero jam apparuit morbosa partis constitutio, illa enim oesophagi pars, quæ parti asperæ arteriæ membranosæ per telam cellulosam cohæret, erat adeo extenuata & cum hac tam fermiter cohærens, ut vix absque læsione separari posset, quod tamen prudenter sensimque progrediendo peragebam, & pulmones cum corde simul eximebam, in fitta oefophago intacto, hic ab illa extenuata parte ad septem imo ferme octo digitorum transversorum verfus inferiora amplitudinem, degenerationem maximam indicabat, erat enim durus ad tactum, & in quoque latere auctus crassitie, concretus cum duabus glandulis adjacentibus, induratis etiam atque coloris præter naturam fusci & corrupti, quæ

glandulæ mediam morbosam partem occupabant, infra has eadem aderat, durities, ac supra ad trium digitorum transverforum latitudinem, dum glandularum extensio ferme duos digitos transversos æquat, itaque totius mali extensio ferme octo
digitorum transversorum latitudinis est, insima tubi pars
in ventriculum usque incorrupta apparebat, naturali colore
mollitie atque capacitate.

Ventriculus admodum erat contractus, ejufque fitus multum a folito erat diverfus, ita ut curvatura major in longitudinem porrigeretur, & intra curvaturam minorem pancreas nudum appareret; fublato hepate præmagno, hujus lobus finister enim finistrum latus plus folito occupabat, ita ut finistra diaphragmatis pars non minus quam dextra in thoracis cavum adscenderet, cæterum erat naturalis coloris uti omnia abdominalia, quorum omnis pinguedo etiam nondum erat consumta.

Postquam sic externum partium habitum in conspectum duxeram, quo accuratius ipsam morbosam partem investigare liceret, per longitudinem ipsum oesophagum aperui: qui sese habet uti in Tabula ultima addita expressum est: suprema pars interne æque ac externe naturaliter constituta erat, assectæ vero portionis superiorem partem occupabant multæ excrescentiæ duriusculæ, scirrhosæ, uti videbantur variæ magnitudinis, quarum nonnulæ nil nisi præternaturalem magnitudinem monstrabant, aliæ jam majorem degenerationem, quæ colorem nigrican-

tem habebant; illæ quæ nondum corruptæ erant, in superficie habebant foraminula, quædam unum, quædam plura, majora & minora, hæc fetam porcinam illa stilum argenteum admittebant facillime, quæ marginibus duriusculis gaudebant, similia fere erant illis, quæ apparent in inferiore intestini recti parte, & productulis excretoriis glandularum aut cryptarum, quæ mucum fecernunt, inferviunt, occupabant hæ excrefcentiæ, quæ certe glandulæ ipsius oesophagi induratæ & tumefactæ sunt, tractum tubi ad latitudinem duorum digitorum transversorum, & capacitatem ejus adeo imminuebant, ut fere omnis alimentorum transitus hisce præcluderetur, infra eas superficies interna excoriata quidem, sed magis glabra & paulo capacior, parvo tamen modo spatio, unde propter notabilem parietum degenerationem & induratas adjacentes glandulas iterum erat angustior, dein verum capacitas canalis augebatur induratis tamen tunicis, infima iterum affecta portio ejusdem naturæ excrescentias fungosas monstrabat, minoris tamen molis, minus etiam corruptas & viam non adeo ac fuperiores obturantes, neque manifesta adeo foraminula monstrantes.

Intima iterum tubi pars erat laxa & mollis, plicis tamen aut rugis majoribus, quam in superiore sana portione præditas, & revera siguram valvularum longitudinalium habentes.

In cardia nihil adeo præter naturale aderat, neque in ventriculo, continebat vero hic materiem liquidam corruptam

P 2

parumque foetentem ejusdem fusci coloris cum illa, quæ morbosam partem ubi excoriata est, occupabat; Lien, omentum & omnia cetera abdominalia viscera habitu sana erant & nihil exhibebant a statu naturali aberrans.

CONTRACTOR OF THE STREET OF THE STREET, STREET

-our only lands of the superior superior and the superior of

ADDRESS OF THE PROPERTY OF THE PROPERTY OF THE PERSON OF T

"-no named piece to aimen of other statement and religional name

address of terminated by the super base de modifie, which comen and

. Built for the state of the continue that the same that are the same the s

FIG. I. Repræsentat Laryngem, Asperam arteriam, Oesophagum morbosum, arteriam Aortam, aliasque
partes ab anteriore.

- a Epiglottis.
- bb Cornua offis Hyoidis.
- c Cartilago Thyreoidea.
- d Glandulæ Thyreoideæ pars.
- e Afpera arteria.
- ff Bronchia elevata cum aspera arteria.
- g Glandula indurata oefophagum in collo premens.
- h Oefophagi pars superior dilatata ultra solitum.
- ii Foramen oefophagi præternaturale cum vomica Pulmonis dextri communicans.
- k Tumor indurati oefophagi.
- 21 Pars oesophagi indurata, collosa, coarctata.
- m Pars oefophagi immutata.
- nn Orificium arteriæ Aortæ in suo arcu abscissæ:
- o Arteria fublavia finistra.
- pp Aorta descendens.
- qq Nervus octavi paris finister.
- Fig. I. partes a posteriore.

- a, bb, d, e, ff, g, h, ii, k, ll, m, o, pp, qq. Eædem partes, quæ in Figura prima, a posteriore delineatæ.
- cc Pharyngis pars posterior.
- g* Locus, in quo glandula indurata inprimis oefophagum comprimebat.
- nn Portio Venæ innominatæ relicta cellulofæ induratæ tenaci inhærens, quæ etiam firmissime aortam cum oesophagi tumore (k) connectebat.
- in prima observatione memoratam, cum membranarum ejusdem portione.
- FIG. IV. Arteria afpera & Oefophagus cum accumbente tumore induratæ Glandulæ, invento in cadavere Infantis quinquennis, ut anterius conspicuæ funt hæ partes.
 - as Oefophagus.
 - b Afpera arteria.
 - cc Bronchia.
 - d Indurata Glandula oefophagum a latere & postica parte premens.
 - e Indurata portio Pulmonis dextri.
 - FIG. V. Earumdem Partium a posteriore delineatio.

Fig. IV.

f Locus, ubi Glandula indurata (d) oefophago accumbit, eumque premendo apta est.

TAB. VII. Oefophagi morbofi figura delineata est.

aaaa Representat superiorem partem oesophagi nondum morbose affectam, satisque laxam.

bbbb Tractum oefophagi morbofum inquo notandæ.

aaaa Intumefcentiæ plicarum præternaturales.

ρβββ Glandulæ ipfius oefophagi præternaturam tumentes, induratæ, ofculis excretoriis itidem induratis confpicuæ.

γγγ Excrefcentiæ fcirrhofæ aut carcinomatofæ glandularum earundem.


S Crassities aucta totius substantiæ oesophagi.


Propendens glandula oefophagi indurata & corrupta coloris obfcuri.

Glandulæ dorfales induratæ figuræ irregularis, tumidæ atque cum fubstantia oesophagi ita concretæ, ut idem
corpus constituere videantur.


- fa tunica intima & obsessa corrupta bruna materie spissiore, nerveæ degenerationem ostendens.
- tamen majoribus & quodammodo durioribus quam fuperior prædita.































T.J Bylaart at Objection

R. Muss Souls

